



Early European Books, Copyright © 2012 ProQuest LLC.  
Images reproduced by courtesy of The Wellcome Trust, London.  
4860/A







Early European Books, Copyright © 2012 ProQuest LLC.  
Images reproduced by courtesy of The Wellcome Trust, London.  
4860/A





Early European Books, Copyright © 2012 ProQuest LLC.  
Images reproduced by courtesy of The Wellcome Trust, London.  
4860/A




Early European Books, Copyright © 2012 ProQuest LLC.  
Images reproduced by courtesy of The Wellcome Trust, London.  
4860/A



4860/A


A. C. II




















PA

GIVE

re

20H

VI

I

UNIVERSITY



42550


# PAVLI AE-

GINETAE SALVBRIA DE TV  
enda ualetudine praecepta,  
Guilielmo Copo Basi-  
leienſi interprete.

ITEM.

## ENCOMI

VM ARTIS MEDICAE,  
D. Eras. Rot. autore.



NOREMBERGAE ANNO  
M. D. XXV.

*Joh. Jac. Martini  
Heid. M. c. 1678.*



IO. PETREIVS LECTORI S.

**N**EMO non uidet, arbitror, omnes disciplinas  
(quibus hæc uita mortalium nihil habet augu-  
stius) hætenus eò contemptus adductas iacuisse, ut à solis  
his, qui quæstû, bonorû studiorum mercedem uilissimam  
sequerentur, sint exaltæ. Quo factum est, ut sordidissi-  
mi quiq; authores, modo lucrum attulerint, in optimorû  
atq; eruditissimorum locû, non solum magno nostro ma-  
lo, uerum etiam ingenti cum dedecore, successerint. Cui  
pesti, cum nostrum hoc seculum, iamdudum medicas ad-  
hibere manus incœperit, in re tam frugifera, nobis quo-  
dammodo cooperari uehementer collibuit. Damus igitur  
nûc studiosis omnibus, doctissimi medici Pauli Aegine-  
tæ salubria de tuenda ualetudine præcepta, à doctissimo  
Guilielmo Copo latinitati donata, ut uitam sanam in stu-  
dio literarum diu prorogent, quo commodius ad summû  
eruditionis fastigium perueniant, & rerum cognitioni,  
cuius præstantissima pars à medicis tractatur, paulatim  
initientur & assuescant. Quæ si (ut ærte debent) gra-  
ta fuisse cognouerimus, huius generis libellos, magna di-  
ligentia emendatos, in lucem subinde prodigemus. Bene  
uale.

OMNIA BONA BONA BONA

LIBRARIUS



# INDEX EO

RVM QVAE IN TOTO LIBRO  
discutiuntur.

**Q**uibus affectibus mulieres graui-  
da infestentur, & qua uictus ra-  
tione educandae sint. Caput i

De nutrice. ij

De lacte nutricis. iij

Quomodo lactis malicia corrigat. iij

Educatio pueri. v

Ad exanthemata puero exorta. vi

De tussi & destillatione pueri. vii

De pruritu. viij

De dentium ortu. ix

De aphtha. x

Ad femorum intertrigines. xi

Ad humectationes aurium. xij

De Siriasi. xij

Ratio uictus infantium atq; reliquarum de  
inceps aetatum ad uigoris usq; inclina-  
tionem. xiiij

De frictione preparatiua. xv

De exercitatione. xvi

De exercitationis generibus. xvij

a ij



De generibus friccionis	xviii
De exclamatione	xix
De lassitudine ob exercitationem	xx
De cute constipata	xxi
De spontaneis fatigationibus	xxii
De uictu senum	xxiii
De rugato contractoque corpore	xxiiii
Vt suavis sit corporis odor	xxv
Ad habitum calefaciendum	xxvi
Ad coloris uicium	xxvii
Ad liuores & fuscidades	xxviii
Dentium custodia	xxix
Vt facile quis audiat	xxx
Ad oculorum caligationem	xxxi
De satietate	xxxii
De ebrietate	xxxiii
Quibus alimenta corrumpuntur	xxxiiii
De uenere	xxxv
Qui coire non possunt	xxxvi
De immodico concubitu	xxxvii
De genitalis seminis abundantia	xxxviii
De infrigidatis	xxxix
De combustis	xl
De pituita in superiore uentre redun-	
dante	xli
Vt facile quis uomat	xlii



Quæ sanis aluum soluant, & quæ urinā moueant	xliij
De clysteribus	xliiij
De glandibus	xlv
De apophlegmatismis caput uacuantibus, et his quæ per nares purgant, & unguentis	xlvi
Quæ menstrua ducunt	xlvij
Quæ sudorem mouent	xlviiij
De aere	xlix
De aquis	l
De lauacris	li
De lauacris naturalibus	liij
Quæ uictus ratio quolibet anni tēpore sit utilis	liiij
Victus in negotio degentium	liiij
Quæ uictus ratio uiatoribus sit obser- uanda	lv
Nauigantium uictus	lvi
De carniū purgatione	lvij
Quomodo nutriendi sunt graciles	lviiij
De partiū attenuatarū curatione	lix
Quæ sint optimi tēperamenti notæ	lx
Distemperatorum corporum notæ	lxi
De capitis formatione	lxii
Temperaturæ cerebri notæ	lxiiij

a iiij .



Quibus notis uentriculi temperatura deprehendatur.	lxiij
Pulmonis signa.	lxv
Cordis signa.	lxvi
Quibus indicijis iecinoris temperatura deprehendatur.	lxvij
Testiculorum temperatura.	lxviij
De omiffis.	lxix
Calidæ intemperantiæ medela	lxx
Frigidæ distemperantiæ remedia	lxxi
Aridæ distemperantiæ in uentriculo ueluti exemplo, mox aliarū quoq; distemperantiarum medela	lxxij
De ciborum facultatibus	lxxiij
De oleribus	lxxiiij
De cymarum natura	lxxv
De radicibus quæ cibi rationem obtinent.	lxxvi
De tuberibus	lxxvij
De frumentaceis	lxxviij
De leguminibus	lxxix
De temporarijs fructibus	lxxx
De arborum fructibus	lxxxj
De animalibus & primo de uolatilibus	lxxxij
De ouis	lxxxij



De pedestribus animalibus	lxxxiiij
De partibus animalium	lxxxv
De lacte	lxxxvi
Quid obseruādū sit lac potātib⁹	lxxxvij
De lacte schisto	lxxxviij
De caseo	lxxxix
De piscibus	xc
Quibus testa pro tegmine est	xcj
De mollibus	xcij
De cartilagineis	xcij
De cetaceis	xcij
De vini potentia	xcv
De melle & mulso	xcvi
De somno	xcvij
De vigilia	xcviij
De sopore	xcxi
Dioclis epistola de bona ualetudine tuenda,	c

A iiij



AD REVERENDVM IN  
Christo patrem, dominũ Germanum de  
Ganai Caduricensem episcopum, Guili  
elmi Copi Basileiensis in Pauli Aegi  
netæ salubria præcepta præ  
fatio.

*Medicina non  
Infima pars  
pars.*

*Medicina à Mu  
sæ Contubernio  
repulsa quæritur.*

*Petrus Miran  
dula*

*Angelus po  
litiarius*

**M**edicinam non infimam philoso  
phiæ partem, ornatissime pater, fe  
lici illo seculo, quum florerent bonæ lite  
ræ, summopere cultā, nescio quo pacto  
humanarum literarum studiosi negligūt  
contemnunt, atq; a Musarum contuber  
nio repellunt. Nisi id est q̃ adeo barba  
rorū fecibus oblitterata est, ut nemo cul  
tioris literaturæ studiosus, uel minimo,  
ut inquiunt, digito eā attingere digne  
t. Qua de re paucos hodie uideas magni  
nominis uiros, qui ad ultimam usq; sene  
ctam perueniant. Sane nostro æuo, Pi  
cus Mirandula, rerum naturæ miraculū,  
atq; Angelus Politianus, qui unus à Go  
thorum iniuria linguam latinam uindica  
re potuisset, ideo per ætatis uigorem im  
matura morte nobis sublatis sunt, quod



non iustam medicinæ in suis lucubratio-  
nibus rationem habuerunt. Quum enim,  
ut est in oraculo, summa hominis prudē  
tia sit seipsum noscere, nescio quomodo  
ille sese noscere putabit, qui animorum  
semper indagine sollicitus, nullam cor-  
poralis naturæ sibi rationem proponit.  
Animum enim sine corporis adminicu-  
lo, uiribus carere, phreneticorū insania  
fatis declarat. Itaq; nemo se philosophū  
recte profitebitur, nisi medicinam quo-  
q; didicerit, quā duce in primis corporis  
naturā, deinde per reliquas philosophiæ  
partes animum, postremo seipsum cog-  
noscet. Huius monitis Pythagoras, Em-  
pedocles, Democritus, Diocles Caristi-  
us, Praxagoras, Chrysippus, Plato, Dio-  
nysius Heracleotes, Xenocrates Plato-  
nicus, Carneades, Cleantes, Xenopha-  
nes Colophonius, summi philosophi in  
ultima senectute mortem obierunt. Ari-  
stoteles uero ipse, quum alioqui naturali  
stomachi infirmitati, crebrisq; morbidis  
corporis offensionibus obnoxius esset,  
ob animi tamen magnitudinem, quā ex

*summa hominis  
prudētia seip-  
sū noscere.*

*Animus, corporis  
adminiculo eger.*



*Aristoteles. 63.  
annos.*

*Summi medici.*

*Mithridates  
Conradus Celis*

*Ioannes Lasca-  
ris.*

*Erasmus Ro-  
terodami*

in medicina scientia conceperat, contra opi-  
nionem hominum ad sexagesimum us-  
que tertium pervenit annum. Id vero no-  
stro ætate, ob hanc maxime causam, con-  
tingere solet nemini, quod summorum  
medicorum monumēta, Hippocratis in-  
quam, Galeni, Rufi, Oribasii, Pauli, Ale-  
xandri, pulueribus obsita iacent, negli-  
ganturque. Ac barbarissimi quique vel tem-  
porum iniuria, vel circulatorum avaricia  
inducti, illorum loco habentur in precio.  
Ergo quum magna iam antiquorum, op-  
timorumque voluminum, tum oratorum &  
poetarum, tum philosophorum, copia Al-  
di Manutij viri undecunque doctissimi in-  
dustria, nobis restituta sit, laborandum es-  
se duxi, ut medicinae quoque auctores, ad  
pristinæ dignitatis lucem resurgant. Igi-  
tur Græcarum literarum prima rudimen-  
ta, quæ iam pridem in Germania sub Mi-  
thridate & Conrado Celte degustaue-  
ram, sub utriusque linguæ doctissimis præ-  
ceptoribus Ioanne Lascari, atque Era-  
smo Roterodamo in Parisiorum acade-  
mia excolere tentavi. Sed ob eorum præ-



capitem in Italiam abiturum, operā fere lu-  
sissem, nisi mox Hieronymum Alean-  
drum, Græce, & Latine, & Hebraice, ad-  
de etiam Chaldaice doctissimum, perpe-  
tuum annum poetas & oratores (absq;  
enim horum diligenti lectione nullus fa-  
cile Græcas literas discere posse speret)  
Græce legentē audiuissem. Cuius præ-  
ceptis formatus, ut studiorum meorū fru-  
gem aliquam reponerem, Theodorum  
Gazam atq; Nicolaū Leonicenū, quan-  
tū longo admodū intervallo, imitari, ac  
ueteres, eosq; eruditissimos Græcos me-  
dicos, pro uirili restituere nisus sum. At  
q; in primis Paulum Aeginetam, qui uni-  
uersam medicinam a Galeno & Oriba-  
sio per innumeros fere libros traditam,  
in septem libros compendiose redegit.  
Horum primum, qui bonam ualitudinē  
tueri docet (quod nō solum medicis, ue-  
rū etiam mortalibus uniuersis, non medi-  
ocriter conducatur, integram seruare uale-  
tudinē) a reliquis sex libris separare, ac  
latio sermone donare constitui. Ne salu-  
bria præcepta perpetuo ab ineptis Saler

*Hieronymus  
Alexander.*

*Cyrenas literas  
discere.*

*Theodorus Gaza  
Nicolaus Leonice-  
renus.*

*Paulus Aegi-  
neta.*

*Integra serua-  
re ualitudinē.*



*Salernitanorum  
deliramenta.*

nitatorum deliramentis petere oporteat. Quia in re quavis eloquutio forsitan felicius desiderabitur, quod tamen ad interpretationis fidem pertinet, nisi nos aliquando exemplaris (quod unum duntaxat habere potuimus) deprauatio fefellerit, nemini cesserimus. Has uero lucubrationum nostrarum primitias, tibi pater amplissime dicamus, dono que mittimus, quod optimarum te literarum asyllum, non solum Gallia, uertimetiam docta praedicat Italia. Quotquot enim multis iam retro actis annis bonarum literarum studiosi, ad hanc nostram Parisiensem applicuerunt academiam, eos, ut es doctissimus, ita perquam humanissime suscepisti, fouisti, ac summis honoribus extulisti, omitto religionem, mores sanctissimos, integritatem, summam eruditionem, generis claritatem, ne de multis pauca attingens nimis frigide te laudem. Nam amplissimas tuas uirtutes, iustum uix uolumen explicaret, nedum epistola. Igitur a serijs, tetricis, et studijs, atque arduis istis tuis curis, remisso nonnunquam animo has

nostras  
aspernari  
tunc p  
et milti  
Es eni a  
lere ha  
Quod si  
cellen  
mus op  
opera q  
hoc Lan  
manis  
nis inop  
Vale p  
Lutecia  
M. D.



nostras minutiores musas legere non *Musæ minutiores*  
asperneris, ut & recte ualeas, & diutius  
vivere possis, id qd studiosis omnibus,  
et mihi in primis q̄ maxime optādū est.  
Es enī alter ille Mecœnas, quō recte ua  
lēte haudquaquā male ualebunt literæ:  
Quod si has nostras lucubrationes ex  
cellentia tua placere senserimus, dabi  
mus operā, ut propediem Galenī quoq̄  
opera, quorum ne umbram quīdem ad  
huc Latīnī uiderunt, non minore à Ro  
manis q̄ Græcis (quantum latini sermo  
nis inopia patitur) facilitate legantur.  
Vale pater ornatissime. Ex Parisiorum  
Lūtecia. xiiij. Calen. Aprilis. . . Anno  
M. D. X.



# PAVLI AE-

GINETAE PRAECEPTA SALV  
bria Guilielmo Copo Basilei  
ensi interprete.

QVIBVS AFFECTIBVS MVLIE  
res grauidæ infestantur, & qua  
victus ratione educandæ sint.

## Caput I.



VONIAM mulieres gra  
uidæ, his fere molestantur  
casibus, crebra vomitione  
spuito, cordis dolore, fasti  
dio: haud ab re fuerit, præ  
sidia, quibus eis succurræ  
tur præscribere. Itaq; deambulationes ci  
bi non admodum dulces, vina rufa, odo  
ra, præcipue quinquagennia & modica  
potatio eis conueniunt. Hæc enim omnia  
vomitionem arcere consueuerunt. Medi  
camentorum vero uim obtinent, polygo  
nium ex aqua coctum & epotum, anetum,  
pontica radix, quæ ab incolis rha uoca  
tur. Hæc & ante, & post cibum adhiben  
da sunt. Mane vero præcordijs cataplas-



ma imponere oportet ex cœnâthe, balau-  
stio, cythiso, mirrha, gummi, fœniculi se-  
mine. Nec refert utcunq; miscere volue-  
ris, aut cum vino ueteri & palmulis, aut  
solidum, siccumque præcordiis adhibe-  
re. Atq; id magnifice iuuat eas, quæ ter-  
râ edere cupiunt, ut in ea affectione quâ  
κίτται id est picam uocāt, quæ circa ter-  
tium gestationis mensem præcipue infe-  
stat, quod non possit tum fœtus, utpote  
imbecillus, quicquid ad vterum alimen-  
ti ratione fertur absumere. Quapropter  
variæ stomacho redundantia accumulā-  
tur, vnde & uaria & absurda appetūt, ut  
carbones extinctos, cretā cimoliam, &  
alia permulta eam ob causam ita effectū  
hunc nominauerunt, aut ab animalis va-  
rietate, aut quod sæpenumero hoc malo  
pica laborat. Cibi appetentiam indu-  
cunt, labor, & longior peregrinatio. Si  
uero mulier grauida delicatius fuerit edu-  
cata, inutiliter subibit repentinas motio-  
nes, fastidientem quoq; licet acres potio-  
nes, & præcipue sinapi degustare. Pe-  
dum tumores magnifice discutit anthyls-  
lis in aceto macerata, & brassicæ latiori-



folia, atq; cimolia creta ex aceto illita, itē  
alumē ex aceto, medica quoq; mala, quæ  
& citrea dicuntur, in aqua cocta, utiliter  
pedibus adhibentur.

De nutrice.

Cap. II.

**E**Ligenda est nutrix, quæ nullo peni-  
tus morbo laboret, & neq; grandis  
admodū natū, neq; ualde iuuenis, ita ut  
iunior quidem quinq; & uiginti annis mi-  
nor nō sit, grandior uero quinq; & trigin-  
ta non excedat. Sit p̄cero pectore, mam-  
mis magnis, papillæ neq; nimia longitu-  
dine promineāt, neq; curuitate auertan-  
tur, reliquo uero corpore neq; obesa ni-  
mis, neq; macie admodū extenuata. Id  
uero magnopere conducet infanti, si nō  
ita pridem nutrix peperit, atq; maxime  
si masculum. Abstineat ab arefaciētibus  
supra modū, à falsis, acutis, astringenti-  
bus, acidis, amaris, ualde calorificis, sua-  
ue admodum olentibus, excellēter odo-  
ratis, bellarijs, condimentis, alijs q; acris-  
bus, ac uenerem quoq; haud quaquā ad-  
mittat. Exerceat manus & humeros, te-  
xendo & in ulnis circumferendo. Feren-  
dus autem in ulnis infans est trimestris  
et qua



PAULI AEGINETAE.

& quadrimestris.

De lacte nutricis.

Cap. III

**O**ptimum lac esse cognosces, si mediocre fuerit in crassitudine, multitudine, colore, odore, gustu. Vtile uero illud est, quod in unguem pollicis instillatum, ad splendorem, inclinato ungue, uidetur neque celeriter, neque tarde defluere. Atque sic quoque probandum est. Lac emulctum iniice in uas uitreum modicum, deinde digitis agitaturn, sine donec cons crescat, si enim plus uideris feri quam casei inutile, si uero contra, coctu difficile erit. Optimū uero fuerit, quod modice utrumque habet.

Quo modo lactis malicia corrigatur.

Cap. IIII.

**L**actis uitia sic corrigenda sunt, si crassius fuerit, uomitu pituita eijcienda est, id quod cum oxymelle optime perficitur, ea quae laboribus praecipue ante cibum extenuanda est, ad quam rem commodissima fuerint, origanum, hyssopum, satyria scandix, thymus, paulum radicularum, salsa mentum uetus cum oxymelle. Si uero nimis acre tenuē quae appareat, tum a multis laboribus abstinere, & alii nutrice ex for

b



PR AECEPTA

bitionibus, carnibus suillis, oportet sapā  
bibere & uinum dulce, pectus & mam-  
mas fricare, nonnullis cucurbitula adhi-  
bita, auxilio fuit. Medicamenta autem  
quæ lac generant, & si scio nonnihil con-  
ferre, assidue tamen eis uti non iubeo, nā  
nimis uiolenter eliquant, sunt autem ea,  
semen & radix fœniculi, quæ aqua calida  
macerata exhibenda sūnt,

Educatio pueri.

Cap. V.

**P**Rimus cibus iam iam genito puello  
exhibendus, est mel, deinde lac dan-  
dum est bis in die, aut ter ad summum.  
Quum uero promptus ad accipiendū ui-  
debitur, nec desit concoquēdi spes, tū ci-  
bos non replentes dare conuenit, quan-  
doquidem imprudenter repletus, somno  
lentior, humidior q̃, atq; uentre quoq;  
tumido, inflato q̃ euadit, & trina aquosa  
redditur, quibus ego nihil dandum cen-  
seo. At satis fuerit duobus annis lacte nu-  
triri, deinde solidiores cibos accipere,

Ad exanthemata puero exor-  
ta.

Cap. VI.

**Q**Uæ circa pueri cutem florēt, in pri-  
mis quidem æquo animo tolerare



PAVLI AEGINETAE.

oportet, quum uero defloruerunt tū bal-  
neis curare adiñciendo myrti aut lentisci  
folia, aut rosas, rosaceo quoq; aut lentisci  
no oleo utendum, mox cæratum cum ce-  
russa adhibendum, atque leniter ex nitrīs  
abstergere oportet. Nam fortiora præsi-  
dia non feret. Ratio uictus sic commodis-  
sime instituitur, ut neq; nimium implea-  
tur, neque multa inedia uexetur. Porro  
si pueri alius astricta fuerit, mel cibo ad-  
iectum dabis, quod si ne sic quidem deij-  
cit, resinam terebinthinam, quæ ciceris  
quantitatem æquet adiñcies. Ad solutam  
uero aluum, milium quam maxime con-  
fert.

De tussi et destillatione pueri. Ca. VII

**S**I uel tussi uel destillatione puer uexa-  
stur, mellitismos (ita enim nominant  
eligmata ex melle) sumere debet, abiu-  
endum caput est multa calida aqua, mox  
multo melle linere, deinde linguam digi-  
to leniter comprimere oportet, ita enim  
magnam pituitæ copiam euomet.

De pruritu.

Cap. VIII

**P**Ruritus si puerum infestat, fomen-  
tis curabitur, atque multa vnctione

b ij



# PRAECEPTA

ex oleo crudo, cū exigua cæra eliquato.

De dentium ortu.

Cap. IX

**S**Eptimo fere mense dentiunt, tū gi-  
giuarum maxillarū & tendinum inflā-  
mationes eis accedunt, nonnunquā ner-  
uorum quoq; distentiones, quo tempore  
nihil puero dandū quod mandere oportet.  
Gingiuas a balneo assidue digito cō-  
tractare, & ex gallinaceo adipe & lepo-  
ris cerebello molliores reddere conue-  
nit. Prodeuntibus uero iam dentibus, te-  
neras, mundaſ q; lanas, ceruici, capiti, &  
maxillis adhibere, atq; oleo calido dolci-  
q; fouere, id quod auribus quoq; instillā-  
dum. Porro puellum tum uberius alere  
oportet, & aqua calida lauare. Qd' si  
alui quoq; fluor molestauerit, tentandū  
eam epithematis, quæ maxime uentrem  
supprimunt, sistere, inspergentes lanæ,  
aut cuminum, aut anetū, aut apium, qui-  
bus rosarum quoq; semen recte adiicitur  
& in totum calfacere & exiccare expe-  
dit. Si uero nihil deſcit aluus, melle ad  
glandis formam redacto leniter irritetur  
prodest etiam calamintha trita, atq; cum  
melle illita. Neruorū distentione labo-



PAULI AEGINETAE.

rantem puerum magnifice iuuabis, si heliotropium ex aqua coquens, ipsum laueris, eo q̃ magis, si irino oleo, aut cyprino aut sycionio unxeris, atq̃ in totum calefeceris. Exortis iā dentibus, si digitos mordet, uulnerat q̃, operæ precium fuerit radicem iridis elixam, ac modice aridā tenere, Hæc enim ulceribus quoq̃ auxiliatur, quemadmodū & butyrum cū melle illitum. Gingiuarum pruritū ueteris salsamenti caro sedat.

De Aphtha

Cap. X.

**V**Lcus quoq̃ puero accidit, qd' Aphtha uocatur, modo subalbidum, modo subrubrum, nonnunquā ueluti crusta nigrum, ut uero omnium pessimū, ita maxime letale, nigrum est. Huic opē affert iris, uel cum melle, uel sicca etiam adhibita. Item rosarum folia contusa, flos rosarum, crocus, paulum mirrhæ, galla, thus, cortex thuris, uel simul, uel singulatim melle excepta. Præterea mulsum et mali punici dulcis succus.

Ad femorū intertrigines Cap. XI

**A**D femorum intertrigines, myrtū aridam, cypirum, rosas, insperge.

b in



PRAECEPTA  
Ad humectationes

aurium Cap. XII.

**A**uriū humectationes siccabimus,  
si lanam ex alumine adhibuerimus  
aut vinum mulsum, aut uinum vetus, aut  
crocum ex uino tritum instillauerimus.

De Siriasi. Cap. XIII.

**S**iriasis est partium circa cerebrum &  
eius membranas, inflammatio. Hanc  
sequitur & syncipitis & oculorum caui-  
tas, cum pallore & ariditate corporis. E-  
ius remedium est, oui rubrum cum rosa-  
ceo, caluariæ quidem pigmēti specie im-  
positum, sed celeberrime mutatum. Ali-  
ud ad Siriasim, Heliotropij (quod Scor-  
piuron vocant) folia, cucurbitæ rasuram,  
cucumeris atq; peponum adiacentē car-  
ni pelliculam, solani hortensis cum ro-  
saceo, succum, caluariæ adhibere oportet.

Ratio uictus infantium, atq; reli-  
quarū deinceps ætatum, ad uigo-  
ris usq; inclinationē. Ca. XIII

**Q**uū ablactati fuerint infantes, suo  
desiderio & hilaritati dimittēdi sūt,  
ac modice eis concedātur & exercitatio



PAULI AEGINETAE.

nes & leuia alimenta. Quū sextum septimumue annum attigerint, tum & pueros & puellas literatoribus tradere oportet, benignis quidem humanis q̄, qui cū gratia & animi securitate doceant, quandoquidē animi relaxatio ad vegetam corporis educationē plurimū cōfert. Duo decio iā exacto anno, ad grāmaticos rhetores q̄ mittēdi, atq̄ ad corporis exercitationes cogendi sunt. A decimo quarto ad primū & vigesimū annū, mathematicæ, sapientiæ q̄ studio incumbant, & ad fortiores exercitationes pro corporis robore ducantur, vt & corpore & animo laborantes, à libidinis impetu cohibeantur.

Quū ad ætatis suæ vigorem peruenerint, perfecta educatio, tū animi, tū corporis eis conuenit, qua de re nullū exercitationis genus abhorreāt, præsertim q̄ quisq̄ vti solitus est. Cibo q̄ pleniore, & qui bonū præbeat alimentū, utatur. Inclinate iā uigore, educatio moderatior, tū animi, tū corporis iuuat. Exercitationes uero qualescūq̄ fuerint, p̄ inclinationis ratione remittendæ sunt. Neque pleniorum cibus exhibendus est, utpote habitu

b iij



## PR AECEPTA

eorum frigescere iam incipiente.

De frictione præparatiua Cap. XV.

**A**Nte exercitationem corpus modice calfaciemus, linteo fricantes, deinde nudis manibus ex oleo perfricabimus, donec caleseat satis, ac transmutetur corpus, atque florido rubore suborto ad habitum decentem perducatur.

De exercitatione Cap. XVI.

**E**Xercitatio est motus uehemens. Vehementiæ terminus est anhelitus in spissitudinē permutatio. Exercitationes, instrumentales partes præparant, ut & affectionibus potenter resistent, & ad actiones reddantur fortiores. Præterea ut alimenta ualidius attrahant, promptius conficiant, & uberius deinde reficiantur propter inductum a forti motu pulmonis calorem. Itaque cum alimentū melius digeratur per corpus, si neque plenitudo, neque cruditas, tum excrementorum, tum humorum contineatur uel in uentriculo, uel intestinis (periculum enim est, ne priusquam probe concoquantur, ad uniuersas corporis partes trahantur) constat ante alimentorum susceptionem aggrediendas esse



PAULI AEGINETAE.

exercitationes. Temporis autem oportu-  
nitas, ex urinarum colore deprehenditur  
siquidem aquosa cruda est, significat q̃  
iam redditum ex uentriculo humorē. Ru-  
fa & biliosa, iam dudum perfectam con-  
coctionem notat. Quæ mediocriter pal-  
let, coctionis quæ adhuc fit, principiu si-  
gnificat. Hoc igitur tempore aggredien-  
dæ sunt exercitationes, si prius uesicæ,  
uentris q̃ onera deſciantur.

De exercitationum generi-  
bus.

Cap. XVII.

**O**Mnibus exercitationibus commu-  
ne est, quod animantia ex seipsis ca-  
lorem auctiorem efficiunt. Proprium ue-  
ro est, quod per singula genera discerni-  
tur. Vehemēs enim, id est uiolenta ex-  
ercitatio neruos, lacertos q̃ robustiores  
reddit, huiusmodi sunt fodere, magna o-  
nera attollere, siue in eodem loco quis  
maneant, siue paulum progrediatur, item  
si quis, quantū maxime potest, deambu-  
let. Huius quoq̃ generis sunt, apprehen-  
sum manibus funē scandere, atq̃ alia cō-  
plura. Veloces exercitatiōes sine robo-  
re, & sine uiolentia sunt, ut cursus, ut um-

b v



PAULI AEGINETAE.

bratilis pugna, & acrochirismi, id est, quod summis manibus apprehensis fiunt certamina, & uel folle, uel parua sphaera ludere. Est ubi componitur exercitatio ex robusta & veloci, ut si quis robustis exercitationibus uehementer innixus, ueloces quoque motiones addiderit. Praeterea per exercitationes quasdam, alijs lumbi potius quam manus, aut crura laborant, alijs spina vel thorax, aut pulmo. Tamdiu uero exercitationi indulgendum est quoad in tumore corpus attollitur & rubescit, & motus firmi, aequabiles et faciles sunt, atque sudor vaporis uidetur commisceri. Quiescendum autem tum primum, quam ex praedictis aliquid mutabitur, ueluti si detumescit corpus, si coloris pulchritudo mutatur, si motus remittitur, tum ilico quiescere oportet. Sudoris quoque si uel quantitas uel qualitas mutata est, ut si minor, uel frigidior est, ab exercitatione desistere, mox circumfuso oleo fouere, ac deinde ut ludimagistri solent, recreatoriam adhibere frictionem congruit.

**F** De generibus frictionis. Ca. XVIII  
Frictionum uehementes quidem, durum,



# PR AECEPTA

lenis uero, molle corpus reddit, quapropter ea quæ temperato corpore laxiora sunt, vehemeter, quæ uero magis compacta, leniter fricanda sunt. At si quis mediocri sit corpore, neq; leniter, neq; uehementer fricari debet, sed quod fieri poterit, utrunq; uitare excessum. Porro multa eadem q; uehemens frictio, corporis tumorem demittit, contra lenis & non tam multa in tumorem attollit. Igitur tres frictionum differentia a quantitate sumpta, tribus a qualitate acceptis complexa, nouem coniugationes efficient, ut in subscripta figura uidere est. Quippe una in quantitate, ut multa, tribus secundum qualitatem connexa, uehementi dico & leni, & mediocri in uehementia, tres producit differentias. Rursus, pauca ipsedem tribus, tres alias. Quæ uero in qualitate moderata est, illis ipsedem tribus coniugata, tres alias constituit, uti subscriptum est.

Quantitas		Qualitas	
I	Multa	&	Vehemens
II	Multa		Lenis
III	Multa		Mediocris



# PR AECEPTA

III	Pauca		Vehemens
V	Pauca	&	Lenis
VI	Pauca		Mediocris
VII	Mediocris		Vehemens
VIII	Mediocris	&	Lenis
IX	Mediocris		Mediocris

## De exclamatione Cap. XIX.

**N**ihil ad sanitatis tutelam conducit in exclamationibus cōcinna apta q̃ modulatio, grauiorum uero sonorū fragor, ut maxime utilis est, ita summo studio usui accomodādus, siquidem multus aer hoc modo in corpus per inspirationē attractus, & thoracem, & uentriculum, uniuersū q̃ corporis meatus dilatat, patefacit q̃, quod inter legendum abundantia humiditatū excernitur, per sudorem quidem, si ualidiores, per occultam uero ex uniuersa mole euaporatiōe, si fuerint mitiores, facta enim attenuatione, multae superfluitates, ut mucii sputa, pituita, screando excernuntur expenduntur q̃. Igīt qđ praestantius remediū, n̄s qui ob frigiditatem calfactione indigent, afferemus, quam respirandi functionem? Ita q̃ saepenumero legere oportet, atq̃ re-



PAULI AEGINETAE.

missio uniuerso corpore, fusá q̃ carne, arteriam cæteros q̃ spirandi meatus in aptam raritatem diducendo, per reliquas uocis grauitates modulari, id uero neq̃ temere, neq̃ inconsiderate facere, sed tū demum ad uocis exercitationem accedere, si neq̃ uiciosus corruptis q̃ humoribus refertum sit corpus, neque magnæ manifestæ q̃ in stomacho appareant cruditates, ne per uniuersum corpus corrupti uapores impensius digerantur.

De lassitudine ob exercitationem  
Cap. XX.

**V**Lcerosa lassitudo excrementorum tenuium acriū q̃ plenitudine, constat. Tensiuia autē nullū memoratū dignum excrementum corporibus infundi declarat, sed in musculis & nervis affectio quædam fit, per quam tendi uidentur. Inflammatiua uero, per quā uidelicet partes ueluti fractas tumidas q̃ sentimus, tunc potissimū accidere solet quū musculi supra modū calfacti auulserint ad sese ex circumfusus redundantis quidpiam. Est & alia affectio, quarta uidelicet, quū musculi ultra quā expedit siccan



# PR AECEPTA

tur, ita ut si nudentur corpora & squalida  
& collapsa uideant, et ad motiões pigra.

Igitur vlcerosam fatigationē sanabis,  
excrementa secernens, frictione multa  
leni q̃, liberaliter oleū infundendo, quod  
nullam astringendi vim habeat. Sco-  
pus uero sanationis intensiua est laxitas.  
Igitur tensum laxabis, frictione pauca si-  
mul & leni ex oleo dulci, tranquillitate  
& requie, balneis temperatis, et longa in  
aquis calidis mora, qua de re plurimū au-  
xilij feres, si bis aut ter sic laborantem la-  
ueris. Tertia lassitudo quā inflāmatiua  
diximus, tria habet curationis proposita,  
excrementi uacuationē, tensi remissionē  
& ardoris refrigerium. Itaq; multū oleū  
tepidū, frictiones lenissimā, atq; in aquis  
temperatis multa, diuturna q̃ mora, hu-  
iusmodi fatigationes sanat, item tranquil-  
litas maxime multa & assidua. Quar-  
ta affectio prima quidem die nulla eorū  
quā diximus mutatione indiget, eo dum-  
taxat excepto, quod aqua non sit calida,  
sed quā densare paulatim possit. Poste-  
ro die recreatoria eget exercitatione, Ex-  
iliant uero ilico ex balneis, praesertim



PAULI AEGINETAE.

quum frigidam aquam subierint, egressi  
autem cibo subinde reficiantur.

De cute constipata. Ca. XXI

**C**onstipatio fit aut ex obstructione,  
aut meatuum densitate. Obstructio  
nem quidem crudorum & incoctorum  
humorum multitudo, crassitudoque effi  
ciunt, densitatem uero, uel frigus, uel a  
stringentia, uel exiccantia. Id autem fa  
cile discernitur ablatiis uestibus, ex cutis  
albicante pallore, duritie, densitate, &  
quod ab exercitatione quis non facile ca  
lescit. Huius affectionis medela, calefa  
ctio est, ideoque exercitationibus uten  
dum est, & balneis calidioribus. At in fri  
gida natatione, non longa sit mora, & ne  
que aqua ipsa sit admodum frigida. An  
tea uero quam induantur, ungendi sunt  
ex aliquo modice calorifico, ut oleo dul  
ci tenui. Porro cutis densitatem efficaci  
ter sanat anethinum oleum, maxime si ui  
ride fuerit anethum, item oleum ex popu  
la nigra.

De spontaneis laboribus. Ca. XXII

**Q**uoniam ulcerosa lassitudo fit ob a  
crium excrementorum uicium, id si



# P R A E C E P T A

paucum fuerit, sat erit recreatoria uti ex-  
 ercitatione. Si uero maius altius q̃ talem  
 neq̃ exercitari, neque nullo prorsus mo-  
 do moueri sinemus, sed tranquillitatem,  
 somnum q̃ præscribentes, in abstinētia  
 tota die seruabimus. Mox ad uesperam  
 ungentes, balneo q̃ ex aqua modice cali-  
 da lauantes, cibū exiguum & boni succi  
 sorbendum dabimus. Sed neq̃ uinum ei  
 subtrahemus, utpote quod semicoctos  
 (si quicquam aliud) concoquit humores,  
 Quod si per ea quæ diximus, malū quie-  
 uerit, ad priorem consuetudinem pro ra-  
 tione reducendus est homo, Si uero po-  
 stero quoq̃ die permanet, ualidiori præ-  
 sidio occurrendum est malo, atq̃ si robu-  
 stæ fuerint uires, duorū alterum, aut san-  
 guinem mittere, aut purgare conuenit,  
 sed utrum magis faciendū sit, discernere  
 oportet, at si imbecilles, sanguis nequā-  
 q̃ mittendus est, sed moderate purgan-  
 dum est. At ubi crudorum humorū mul-  
 titudo molestauerit, tum neq̃ sanguinē  
 mittere, neq̃ purgare, neq̃ exercitari ex-  
 pedit, ac neq̃ moueri, neque lauari. Ser-  
 uādi itaq̃ tales in omni trāquillitate sunt  
 Atque



PAULI AEGINETAE.

Atque edulia, & potiones, & medicamē  
ta, quæ extenuandi diuidendi q̄ uim ha-  
beant, citra calefactionem manifestā ex-  
hibeantur. Igitur pro cibo oxymel, ptisa-  
næ paulum, nonnunquā mulsum quoq̄  
dabimus. Quoniā uero omnibus his præ-  
cordia suspenduntur, inflantur q̄ (eo qd̄  
facile uentosum fit quicquid eis exhibet̄)  
haud ab re fuerit cū alimentis piper quo-  
q̄ miscere. Satiū etiam nū fuerit diospo-  
litico medicamēto uti, atque eo quod ex  
tribus piperibus constat, oxymelle uero  
haud aliud utilius est. Potionis loco, apo-  
melle (sic enim Græci ex ablutis ex aqua  
fauis, cremorem vocant) utantur, præci-  
pue acido, & uinis subacescētibus. Cibis  
vero citra calfactionē attenuantibus, cu-  
iusmodi sunt cappares, si uel ex oxymel-  
le, uel ex aceto & oleo sumantur. Ten-  
siua lassitudo, quam non induxit exerci-  
tatio, multitudinem solidas partes exten-  
dentem, declarat. At constat si multus af-  
fuerit sanguis, uenam secare, aut malleo-  
lum incidere, saluberrimum esse præsidi-  
um. Inflammatoria quæ sua sponte su-  
peruenit fatigatio, ne paucarum quidem



# PR AECEPTA

horarum dilationem sustinet, nedum dñ  
orum, triumue dierū, nisi enim ilico san-  
guinem detraxeris, febrim inducet proti-  
nus uehementissimam. Satius autem fue-  
rit, nisi quod obstat, bis eadem die aufer-  
re. Primum quidē ita detrahemus, ut ani-  
mi defectionem non incurrat homo. In  
secunda uero missione, ne animi quidem  
defectio timenda est. Quod si quis ita af-  
fectus sanguinem non miserit, is nisi o-  
ptima fortuna fauerit, haudquaquam ser-  
uabitur.

De uictu senum.

Cap. XXIII

**S**enectus frigida quidem est & sicca,  
corrigitur uero humectantibus calfa-  
ciētibus q̃. Igitur fricandi sunt, sed citra  
fatigationem ac infirmioribus ter cibum  
dabimus, citra tertiam quidem horā, pau-  
lum panis cum attico melle, deinde ad se-  
ptimam horam factis frictionibus, & ex-  
ercitationibus pro senectutis ratione, ac  
adhibito lauacro, primū quidem quæ al-  
uum moueant, tū uel pisces, uel aues ex-  
hibebimus. In cæna uero, ea q̃ optimos  
humores gignant, & quæ non facile cor-  
rumpantur offerenda sunt. Neq̃ prohi-



PAULI AEGINETAE.

beo quo minus uinis ex melle conditis  
utantur, praesertim si quis senex, aut in re  
nibus calculum, aut podagram futuram  
timet, ac petroselinon quoque uino tum adij  
ciendum est, Quod si ob genitam in uen  
tre pituitam, cogamur eligere quae eam  
diuidant, transeundum subinde est ad hu  
mequantem uictus rationem, exhibitis  
ante alia alimenta ficis maturis, atque per  
hyemem caricis, nisi in dextra praecordi  
orum parte accidentis cuiuspiam sensus  
obstiterit, Ceterum quum in senili cor  
pore & pituita, & serosa excrementa cum  
mulentur, necesse est quotidie & urinam  
ciere, & absorpto ante cibos oleo, aluum  
soluere, At constat quod omnia olera an  
te cibos ex oleo & garo edenda sunt, oli  
uas quoque ex muria atque pruna damasce  
na capere debent, Porro fortiori alui astri  
ctioni praesidium afferunt & mercuria  
lis & cnecus, atque terebinthina resina po  
ticae nucis magnitudine. Interdum cly  
ster ex oleo suppressam aluum commo  
dissime soluit.

De rugato contractoque cor  
pore.

Cap. XXIII.

c ij



# PRAECEPTA

**C**Vtis erugationē facit erui farina mī-  
ti albæ adiecta. Aliud smegma cō-  
tinenter purgans, ficus pingues cū bryo-  
nia contritas, & farinam erui contusam,  
atq; sepiaē testam, exiguo melle instillato  
excipere oportet.

Vt suavis sit corporis odor, Ca. XXV.

**V**T suauem corpus odorem reddat.  
Cyparissi comam aridam contun-  
dens, aut piceæ corticem vnguento mi-  
sce. Neq; obliuiscatur quis, mane postq;  
fuerit indutus: paulum aut casiaē, aut saui-  
nae degustare.

Ad habitum calefacien-  
dum.

Cap. XXVI.

**A**D habitum uero calefaciendum in-  
trito calorifico vtendum est, quod  
habeat calamintham, amaracum, hysopū  
lauri baccas, rorem marinum, lapidē pyri-  
ten, salem, fecem vini ustam, nitrū, pumi-  
cem, pro ratione singulorum. Item parū  
sinapios & vuae timiniaē, quam Græci sta-  
phidagrian nominant & grani gnidi. A  
lauacro uero utatur calido apoco bibat q;  
vinum fuluum vetus, & potionem ex vi-  
no mulso, pipere, rutha, & similibus.



PAULI AEGINETAE.

Ad coloris viciū Cap. XXVII

**C**orporis viciatum colorē emendat  
vita iucunda, mansuetā q̄, cibus bo  
ni succi, cui radiculam, porrum q̄ cum ui  
ridi cicere miscebimus. Ac coloris quo  
q̄ pulchritudinem efficit, mali punici dul  
cis succus absorptus, neq̄ ab re fuerit, o  
leum adijcere, elixa in ipsa bryoniae radi  
ce. Hæc enim præsidia corpus politum  
reddūt. Scissuris illinenda sunt glutinā  
tia, quæ ex abstergentiū aliquo consistit  
vt farina, itē narcissi & bryoniae radix at  
q̄ amaræ amygdalæ tum fructus, tum ra  
dix ex aqua cocta, haud inutiliter in bal  
neis adhibentur.

Ad liuores et fuscēdi

nes. Cap. XXVIII.

**A**liore tutos reddemus senes, si  
pellem, quo minus afficiatur, spiss  
sam, & habitum multo calidiorem feceri  
mus, quod ut facilius assequamur, salem  
balneis adijcere oportet. Liuidas vero  
partes, submersa spongia in elixæ brassi  
cæ atq̄ absinthij decocto fouebimus.

**D**entiū custodia. Cap. XXIX  
Entes hoc modo incorrupti serua

c in



## P R A E C E P T A

buntur. In primis uitare oportet ciborū corruptionem, assiduū uomitū, & cibos dentibus inutiles, ut ficus aridas, mel coctum, palmulas, & eos qui difficulter teruntur, quī q̄ glutinosi sunt, atq; qui fractu adeo difficiles sunt, ut dentes moueant, & qui ea doloris specie dentes afficiunt quā hæmodiā Græci uocant, nos torpedinem haud temere appellauerimus, item frigidos & omnes putres. Nequaquā uero negligas post cœnā dētes purgare.

Vt facile quis audiat    Cap. XXX.

**A** Vdiendī facilitatē præstat, in primis purgare meatum à sordibus. Quæ si diutius retentæ fuerint, linamentum madens ex dropaco (ita enim uocāt genus unguenti ex pice) in ipsum demitte, atq; expressū extrahe, simul enim & meatus purgatur, et audiendī uis restituitur, deinde erui magnitudine, ei per diē adhibita, obtura meatum. Postero die extrahens, unge quotidie ex oleo amygdalino, aut nardino, aut chamæmelino, aut adipe gallinaceo, aut exiguo felle bubulo. Rursus tractu tēporis, ex ficis cū sinapi tritis facto penicillo, adhibe horis dua



PAVLI AEGINETAE.

bus, quo subinde extracto, oleū quod in  
succo asphodeli radicis ferbuerit, infunde.  
Ad caligationē oculorū Cap. XXXI.

**N**E caligatione oculi infestentur, ip-  
sis in aqua frigida demersis modice  
susplicere oportet, quandoquidē uidē-  
di robur ita intenditur, neq; uero crebra  
lectione fatigandi sunt, uitandū est uinū  
crassum & dulce, item cibi qui non facile  
ad uentriculum descendunt, & qui con-  
coctu difficiles sūt, atq; ex quibus humo-  
res lenti crassi q; pueniunt, similiter eru-  
ca, porrus, & quaecūq; acrem uaporē sur-  
sum mittunt, Nocet etiā, si diuturnus fue-  
rit supinus decubitus, frigus, uentus ob-  
uiam ueniens, fumus, puluis. Mirifice ue-  
ro pdest, si perpetuo mense quotidie hu-  
iuscemōi aqua oculis instilletur, quæ qui-  
dem sic præparanda est, In uas fictile ex-  
trinsecus pice illitum, fœniculū uirentem  
aquā q; pluuiālē iniice, deinde extracto  
fœniculo, quod reliquum est seruato.

De facietate. Cap. XXXII.

**M**Aximū in cibatione facietatis pec-  
catum est, Nā et si uentriculus p-  
be concoquit, uenæ tamē nimis repletæ,



# PR AECEPTA

laborant, dilatantur, rumpuntur, obturan-  
tur, & flatu implentur, atq; in totum, pes-  
simos ex satietate morbos cōstare, in cō-  
fesso est. Porro ventriculi plenitudo, et  
si omnino tolerabilior est ea quæ venis  
accidit, eo quod nōnunquam vel vomitu  
uel deiectione, id quod redtindat excer-  
nitur, tamen ne hæc quidem admittenda  
est. Attamen si nimis ingessit aliquis,  
ilico vomere debet. Si enim probe con-  
coxerit, uenæ plenitudinis periculum nō  
euadent, maxime si quis iūgiter per intē-  
perantiā se ingurgitans, nulla vtatur ua-  
cuatione, itaq; vomere debet, prius quā  
cibi corrumpantur, Cui nero uomere nō  
licet, soluta alius plerūq; opem tulit, at si  
ne hanc quidem mouere concessum est  
diutius dormire, & aquā calidam bibere  
debet, quum uero iam probe concoxerit  
maxime si quid excreuerit, tum & lana-  
cro, & balneo vtatur, & salsamentū edat  
atq; potionem dilutam sumat. At si neq;  
deiecit, neq; mature concoxit, ac totum  
quoq; corpus graue, & ad motiones ine-  
ptum, atq; somnolentum fuerit, mens eti-  
am præter rationem pigrescat, venarum



PAULI AEGINETAE.

plenitudo significatur. Quibus uero præter hæc fatigatio quoque accesserit eos qui eti permitttere, donec ventriculus concoquat satius est, atque sic deinde vacuare.

De ebrietate. Cap. XXXIII.

**E**Brietate detentis, repentinus vomitus præsentaneum auxilium affert. Oportet uero abunde aquam bibere, & mulsum, atque sic vomere, ut & plurima proiciant, & vellicatio fiat obtusior. Post vomitum uero, & leniter ambulent, & ubertim ungantur, dein reliquo tempore, tam diu quiescant, sub tegmine dormientes, quoad soluatur temulentia.

Quibus alimēta corrumpuntur.

Cap. XXXIII

**C**orruptis in ventriculo cibis hi qui excrementa corrupta deiciunt rectissima uia ad sanitatem tendunt. Quibus uero nihil subducitur, ex his quæ leniter alium mouent irritandi sunt. Atque sic affectis, uomitus ante cibum conuenit, uel ex uini, uel musti potatione. Nihil etiam uel fumosum uel graue olens exhibendum est, aut in totum nullus cibus qui facile corrumpatur, sed alimenta boni succi



# P R A E C E P T A

ei eligere oportet. Ideo q̄ per temporū  
interualla, moderate uentris purgatiōes  
ex leuibus medicamentis, huiuscemodi  
affectione laborantibus conferunt.

De uenere. Cap. XXXV.

**A**C neq̄ uenus utilitate caret, utpo-  
te q̄ plenitudinē uacuat, corpus au-  
ctū, leue, uirile reddit. Et quod ad animū  
pertinet, rationis uim impeditā soluit, in-  
gentes iras remittit, idcirco melancholi-  
co aptissimū remediū est, si quicq̄ aliud.  
Reducit aut̄ ad modestiā, uel alio quouis  
modo insanientes, atq̄ morbis, quos pi-  
tuita conflauit, magnopere conducit, fa-  
stidientibus cibi appetentiā restituit, non  
nullos à crebris quoq̄ somnijs liberat.  
Porro ueneri natura calida & humida i-  
donea est, quippe quæ cæteris pronior  
est ad libidinem. Concubitum uero non  
admittūt, niētus refrigerans arefaciēs q̄,  
ætas senectutis, tēpus autumnī. Itaq̄ ca-  
lida & humida educatio, atq̄ mediocri-  
tas & laborū & ciborū adhibenda est. Ut  
enim labores, sic & cōcubitus (si modus  
seruetur) utilis est. Nā & ad opus excitat  
& facilitatē quandā ei qui sic consueuerit



PAULI AEGINETAE.

præbet. In primis igitur uenerē stimulat  
si quicquid aliud, alimentorum abundantiā. Ideo  
quod cibi qui plurimum alunt, ad hanc rem  
sunt idonei, ut ex piscibus polypus (quippe  
hoc animal maxime libidinem irritare  
creditur) & molliū genus. Olera autem, or-  
minon & hysimon, eruca, rapa, atque hæc  
ueluti medicamenta sunt. Legumina ue-  
ro, faba, cicer, cicera, siliqua, pisum, quia  
flatū generant, unde ruta, quia spiritū di-  
scutit deletque, uenerē obtundit. Uuas au-  
tē magnopere probo, siquidē & hume-  
ctāt, et flatu corpus implent, sine quibus  
nullus sit in uenerē impetus. Igitur qui  
in uenerē congressurus est, obseruare de-  
bet, ne tū uel satietas, uel cruditas, uel fa-  
tigatio, uel uomitio infestet, itē neque pur-  
gatio, neque repētinus alui fluor, quibus nō  
nunc diuturno fluori, eo quod arefacit,  
sit medicamentū. Vehementem uero co-  
cupiscentiā, tantū abest ut laudem, ut &  
magis renitendū censeam, maxime qui-  
bus ex morbo prouenire putatur. Com-  
modissimum itaque fuerit post exercitatio-  
nes, et balneas, atque cibū modicū coire sic  
enī et robustiores erunt uires & frigoris



# PR AECEPTA

uitabimus nocumentum. Hora uero ad concubitum aptior est post cibum (ut diximus) & ante somnum, quippe subsequens somnus laborem remittit. Adde quod hoc tempus ad sobolem procreandam aptissimum est, cum ob alias causas tum quod foemina dormiens genituram melius retinet.

Qui coire non possunt. Ca. XXXVI.

**P**inguetudine pudenda assidue illinenda sunt, adijcere uero exiguum radicis narcissi partem, aut grani gnidij, aut pyretri, aut uuae timiniae aut seminis urticae oportet, aut anisi semen propinare, aut piper, aut satyrion, aut erucae partem aut cneei, aut omnia simul. Bulbos quoque albos, rubros quidem paruosque cum sale & oleo ante cibum deuorare, aut scyllae parum marcidae, uti praeterea compositis medicamentis ad hoc propositum inuentis, ac res quoque lasciuas creberrime legere conuenit.

De immodico concubitu.

Ca. XXXVII.

**F**requens concubitus corpus rarius, frigidius & imbecillius reddit, ergo



PAULI AEGINETAE.

constipantia uidelicet & calorifica & humectantia, & robur afferentia adhibere oportet. Itaque si quē immodica uenus læsit sub calido operculo quietus dormiat, donec corporis impetus remittatur, ac ipse sic ab imbecillitate leuetur.

De genitalis seminis abundantia. Cap. XXXVIII.

**S**Vnt nonnulli qui cumulato multo calido q̄ genitali semine, in tenerē ruunt, quod cum eiecerint, imbecillum efficitur corpus, ac stomachus quoq̄ resoluitur, extenuatur & arescit. Si uero à coitu abstinuerint, accidit et capitis grauitas & nausea, deinde per somnum excernētes ipsum, eodem modo afficiuntur. Quibus nihil unde seminis abundantia proueniat, exhendum est, sed & cibos & medicamenta ipsum destruentia assumere, & lūbos à balneo ex oleo rosaceo & melino & omphacino ungere debēt, adiecta eis cæra, ut crassiora reddantur. Miscentur quoq̄ succi refrigerantes, ut semper uiui solani, umbilici ueneris & psilij, atq̄ hæc quidem estate, reliquis uero temporibus tum alia, tum lactuæ succus & ligni se-



## PRÆCEPTA

men ex aqua coctum, nam et hoc refrigerantem succū præbet, similiter plumbi lamina lumbis supposita, seminis per somnum profusionem cohibet. Idem efficiunt herbae frigidae substratae, adiecta ruta, & tenellis amerinae furculis, ac lini quoque semen, & rutae semen datum in cibum. Cauendum uero est ne dum lumbi tam studiose refrigerantur, renes afficiantur iniuria.

De infrigidatis. Cap. XXXIX.

**Q**ui immodici frigoris incommoda senserunt in loco calido decumbant uncti aut cyprio, aut irino, deinde paulum iam calfactis aliquid piperis, & myrrhae ex uino dulci odorato veteri dare oportet, aut succum cyrenaicum ex uino uel aceto, aut pyretrum, aut castorium ex aceto, ac cibus quoque calidior exhibendus est.

De combustis. Cap. XL.

**C**ombusti, in locis auræ patentibus decumbere debent, faciem, manus crura, aqua frigida rigare. Sitim uero aquae frigidae potatione, pro consuetudinis ratione compescere. At uero non affatim, sed paulatim hæc facere oportet.



PAULI AEGINETAE.

Cibum exiguum, & qui facile conficiatur, ac humidum magis quam solidum assumere.

De pituita in superiore uentre redundante. Cap. XLI.

**S**I cuiquam occurras, qui ualentissima quidem alimenta renuit, atque nihil cibi assumit, & si inferre cogas, nausea afficitur, cupitque forsitan solum quæ acris sunt, & ne ipsi quidem delectatur, sed inflatur tenditurque uentriculus, atque nausæat, & à solis ructibus paulum releuatur, interdum quoque suscepta alimenta corrumpit, in acidam maxime corruptionem, non te lateat summam curationis in expurgatione uentriculi à pituita consistere. Equidem noui quendam ita affectum, e pota radícula ex oxymele, incredibilem crassæ pituitæ multitudinem vomuisse, atque sic perfectæ sanitati subinde restititum.

Vt facile quis vomat. Cap. XLII.

**Q**Uoniam difficulter uomentes, plurima solent cruciari incōmoda, operæ præciū fuerit docere quomodo quis facile vomat, ut et pituita uacuet, et caput leuius reddat, et ne icrudescat id quod auidius se



# PR AECEPTA

quis ingurgitauerit, ne ue ledatur, qui uinum intemperate potauerit. At neque acerbula, neque arida offerenda sunt, sed quae partim dulcoris, humiditatisque, partim uero acrimoniae modum habeant. E quibus probatissima sunt radícula, eruca, salsamentum uetus, origanum uiride, paulum ceparum & porri. Vomitum quoque promouent legumina, ut ptisana melle condita & faba elixata, item carnes pingues. Oportet uero non iuscula solum, uerum totam quoque ipsarum molem deuorare. Igitur uomiturus non diu manducationi immoretur, omniaque per elixationem molliora fiant. Atque deligenda sunt uina dulciora, utpote quae magis supernatare consueuerunt, sitque potio tepida, ac amygdalas quoque in melle submersas edere, & placentas gustare conuenit. Item peponis & cucumeris semen maceratum, tritumque mellis loco sumere, idem facit cucumeris radix cum melle trita. Si uero ualidiora petis, narcissi bulbo ex aqua cocto, uinum infice. Neque non uomitum prouocat irinum unguentum, si quis illitis ex eo digitis, irritet. Id quoque ad uomitum pertinet



PAULI AEGINETAE.

tenet, ut non prætermittas post uomitionem abluere os & faciem, vel ex oxycrato uel ex aqua, sic enim & dentibus operes, atq; capitis grauitatem leuiabis.

Quæ sanis aluum soluant, & quæ vrinam moueant. Ca. XLIII.

**V**Eteres satis esse putabant ad bonā valetudinem tuendam, si quotidie & alui onera, & urina commode & sine reprehensione, pro alimentorum potionis q; multitudine deſcerentur, atq; procedente re ex ſententia, laudabant. Sin minus, urinam quidem mouere ſtudebāt elixantes ex aqua ſcandicem, apiū, aſparagum, petroſelinon, aniſum, calamintham, origanum, abſinthium, graminis, cardui q; radicem, cytifum, capillum ueneris, adiecto q; vino, ſubinde potui dabant. Hæc enim per vrinam ſanguinem expurgant, quod haud paruum exiſtimatur præſidium. Alium uero ſoluebant, iubentes iam ad ſomnum conuerſos, reſinā terebinthinam, quæ oliuæ magnitudinem æquaret, deuorare. Quod ſi magis citare uoluerimus, paulū radicis ponticæ (quæ vulgo reubarbarum uocatur)

d



## PRAECEPTA

miscébimus. Idonea quoq; ad uentris solutionem sunt ona sorbilia, atq; ex oleribus beta, malua, item limacis iusculū, atq; saepe id auxiliū satis est. Validiora vero sunt, mercurialis cū sale ex aqua cocta & cōmesta, atq; ius eius epotum, item sambuci folia & polypodij radix duarum drachmarū pondere falsamento inspersa, uel ex ptisana etiam absorpta. Serī quoq; lactis tres quatuorue haeminae cū sale aut melle. Et ueteris gallinacei ius aut per se aut cum duabus drachmis cneci idem facit. Nonnunq; aloe trium cicerū magnitudine post coenā assumitur. Optimū uero est post mediocrem coenā epithymū ex vino potare. Si quis aut fortiore eget uacuatione, sub uerna aurora epithymi drachmam ex oxymelle bibat.

De clysteribus. Ca. XLIII.

**S**Vnt nonnulli alio astricta, quorū stomachus ob imbecillitatem non sustinet ea quae uentrem subducunt, ij clysteribus soluendi sunt. Itaq; retentam in intestino pituitā purgabimus, coquentes ficus aridas, betam, nitrum, agrestis cucumeris radicem cum melle, atque oleo uel



PAULI AEGINETAE.

chamæmelino uel anethino. Si uero ficci-  
tas infestauerit, decoctū ex althea & fœ-  
no græco & chamæmelis iniiciemus, ad-  
ijcientes oleum & paulum mellis. Inter-  
dum etiā oleum per se duorū acetabulo-  
rum quantitate iniectum, desideratū præ-  
sidium attulit, hoc tamen non assidue fa-  
ciendum est, ne ob crebram irritationem  
natura spontaneæ secretionis opus, tra-  
dat obliuioni.

De glandibus.

Ca. XLV.

**S**Aepenumero glandibus utimur ster-  
coris educendi gratia, ac in his quoq;  
quibus id quod per clysterem iniectū est  
nō educitur. Formantur autem glandes  
ex sale asso & melle & nitro. Thymus e-  
tiam cocto melli adijcitur, fiunt interdū  
ex resina terebinthina, adiecto nitro, itē  
ex non tam multo grano gnidio. At quia  
vellicant, non sine oleo adhibeātur. Præ-  
terea addito uel pyretro uel pipere, para-  
lyticis opem ferunt, atq; ijs qui à frigore  
inflantur. Item centaurium, pici, cæra-  
tō q; mixtum, pudentis resolutis præsen-  
taneum fit remedium. Infantibus uero sa-  
lis granum imponimus. Nonnunquam

d ij



PR AECEPTA

ficum quoq; adiecto nitro.

De apophlegmatismis caput uacu-  
antibus, & ijs quæ per nares pur-  
gant, & de unguētis. Ca. XLVI.

**H**VMores ex capite per sputa uacua-  
mus, id si leniter facere proposueri-  
mus, piper adiicimus mastice. Si uero  
ualidiorē quærimus uacuationem, aut  
pyretrum, aut vuam timiniam mandere  
iubemus. Anemones etiam cuiusuis ra-  
dix mensa, pituitam euocat, item cortex  
radicis capparis, atq; serosa quidem ex-  
crementa per ea quæ diximus excernun-  
tur. Crassiorē uero pituitam purgat  
sinapi ex oxymelle gargarizatum, aut sa-  
pa in qua decoctū sit uel origanū uel hy-  
sopum, cui equidem sinapi cum oxymel-  
le miscere soleo. Vt uero à muccis  
purgetur cerebrum, excitabimus ipsum  
acribus medicamentis irritantes, quorū  
nonnulla sternutamentū mouent. Igitur  
per nares purgat, & anagallidis, & cuius-  
uis anemones, atq; betæ succus. Item fo-  
liorū cucumeris agrestis succus, aut per  
se ipsum, aut ex iure, succo ue betæ nari-  
bus infusus. Vbi uero crudi humores in



PAULI AEGINETAE.

thoracis pulmonis, capitisue partibus cō  
tinentur, nihil proficit sternutamentum.

Vnguentum oris huiusmodi est. Sa  
ponem ex betæ succo diluens, palatū &  
columellam unge, est enim efficax auxi  
lium, & per nares quoq; purgandi uim  
habet. Euphorbio etiā naribus illito, sæ  
pe numero usus sum. Itē melanthio, a q  
& Archigenes, ubi nares obstructæ sunt  
openi petit, Priori Crito utitur ex aceto  
ad morbum regium.

Quæ menstrua ducant. Ca. XLVII.

**Q**Væcunq; urinam citant, eadē quo  
q; menses ducere possunt, huiusce  
modi est radicis brassicæ decoctū potui  
datum, persicæ radix, ruta, chrysanthæ  
mon, dictamum, erucæ semen. Sunt nō  
nulla quæ ad os uteri adhibita, menses e  
uocant, ut ruta cum melle illita porri suc  
cus, allium tritū, myrrha ex uino diluta,  
leporis coagulum.

Quæ sudorem mouent. Ca. XLVIII.

**S**udorem mouent chamæmelon ari  
dum tusum q; adiecto oleo, atq; tali  
de perfricata superficie, seseli, pyretrum  
cachryæ, anetū similiter oleo excepta, nī

d in



## P R A E C E P T A

trum non admodum tenue cum oleo, sal-  
lis flos ex oleo, succus cyrenaicus ex a-  
qua dilutus, si corpus ex eo fricetur, biba-  
tur q̄ ciceris magnitudine, item calamin-  
thæ & ex mulso potui data, & extrinse-  
cus per frictiones corpori admota.

De aere.

Cap. XLIX

**A** Ere exacte puro, utpote qui neq̄  
stagnorū neq̄ paludum, neq̄ bara-  
thri cuiuspiam pestilentem aurā eructan-  
tis, uaporibus inficitur, haud nō alius me-  
lior est. Contra malus est, quē cloaca ali-  
qua magnam urbem purgans, perturbat  
& nebulosus, item qui in ualle undiq̄ e-  
ditis montibus contentus, nullā suscipit  
auram. Igitur qui sic infectus est aer, om-  
nem aetatem, omnē q̄ temperaturā simi-  
liter lædit, optimus uero omnibus pdest  
At in qualitate, ut calore, frigore, aridita-  
te, humiditate, aer mutatus, haudquaquā  
similiter omnes afficit. Quippe tempera-  
to corpori, temperatus, distemperatis ue-  
ro qui contrariā habuerit temperaturam,  
aer utilis est.

De aquis, Cap. L.

**O** Portet quoq̄ aquarum & uirtutes  
& uitia non ignorare, quippe quæ



PAULI AEGINETAE.

magnum vsum præ cæteris rebus, omnibus præbent ad uniuersam fere uictus rationem. Scire itaq; licet optimā aquā esse, quæ nullā neq; gustanti, neq; olfacienti de se præbet qualitatem, sed & bibenti incundissima, & aspicienti purissima uidetur quod si à præcordiis quoq; celeriter descendat, nullam aliā hac meliorem quærere oportet. Quæ uero longa in præcordiis facta mora, stomachū lædit atq; inflatum grauem q; reddit, uitiosa putanda est. Neq; enim calefcit, neq; frigescit facile huiusmodi aqua, ac elixata quoq; in ea, tardissime ægré q; coquuntur. Itaq; operæ precium fuerit experimento eam discernere. Igitur qui per signa ipsam noscere uoluerit ex his q; dicturi sumus iudicet. Sane q; ad aquilonē & solē occiduum fluit, tarde trāsmittitur et incoctilis est, atq; difficulter calefcit frigescit q;. Quæ uero ad ortum, ut per meatū aliquē, aut per terrā decurrit et citissime calefcit frigescit q;, hæc de se optiæ aq; spē pphet. Necnō bona est, q; æstate frigidior, hyeme uero calidior est. Sūt qui aquas in statera, pbāt, quippe qui putant leuiore esse meliores, id si cum

d iij



# PR AECEPTA

ijs quæ diximus nō discordat, laudamus,  
 si uero non alio signo fulciatur, haud sa-  
 tis facit ad perfectam bonitatis coniectu-  
 ram. Porro pluuialem aquam Hippocra-  
 tes inquit esse leuissimam, dulcissimā, li-  
 quidissimam, & tenuissimam, quoniā sol  
 leuissimum tenuissimū q̄ trahit, id q̄ nō  
 solum ex alijs aquis, uerū etiam ex mari  
 & corporibus, ideo q̄ nulla omnium ue-  
 locius putrescit, utpote quæ ex diuersis  
 qualitatibus constat. Nemo uero existi-  
 met aquam facile putrescentem esse pes-  
 simam, quippe alterationis promptitudo  
 uirtuti potius quā uicio tribuenda est. Igi-  
 tur quæ habet optimarum aquarū notas,  
 si facile quoq̄ putrescat, optima iudican-  
 da est, quū uero mutari cœperit, bibenti-  
 bus & raucedinē & tussim, & uocis gra-  
 uitatem affert. Pluuialis aqua, quæ æ-  
 stiuā est & cum tonitru, melior est quam  
 procellosa. At quæ à glacie & niue de-  
 fluit, omniū pessima, siquidem per aquæ  
 concretionem tenuiores partes omnes  
 exprimuntur. Si uero uel limosa uel pu-  
 tris fuerit aqua, aut mala qualitate affecta  
 satius erit ipsam per decoctionem corri-



PAULI AEGINETAE.

gere, ac sic subinde bibere. Succurrimus etiam aquæ uicijs, uinū miscentes, astringenti quidem dulce, alijs uero acerbum. Neq; non prodest quasdam aquas percolare ut limosam, ut salsam, id q; cum polenta. Aqua uehementer frigida post cibum bibenda est, sed non affatim. Sunt qui contra aquarū uicia, cibos, potiones q; inuenerint, atq; aliq; quidem ius cicerū propinant, aut ipsamet edunt, aliq; caualidem (id est pedem pulli) cū pisciculo aliquo coctam, & foeniculum similiter. Nō nulli prius betam, cucurbitam q; sale conditam cum uino diluto, edunt.

De lauacris.

Cap. LI.

**Q**Uā aquæ frigidaē lauacrum laudamus, non ijs qui quomodolibet degunt, sed illis duntaxat qui exacte uiuunt, & laboribus cibis q; quoad fieri potest, commodissime utuntur, conferre dicimus. Igitur ubi populares uehementiore egent refrigerio, sat erit natare interdum tempore æstiuo, modo bene corporati & iuuenes sint, ac frictionibus præcalfacti. Id uero obseruandū est, ut neq; ob uenerem, neq; ob aliam causam sine

d v



## P R A E C E P T A

fatigati, item neq; cruditas, neq; uomitus, neq; alui fluor, neq; uigiliae infestent siquidem simpliciter frigido lauacro uti, haudquaq; tutū est. Calidū uero ut optimū est, ita & tutissimū. Soluit enim fationem, discutit plenitudinē, calfacit, mitigat, mollit, flatus diffundit, somnum allicit, bene corporatum reddit. Est uero commodissimum cuiq; & uiro & mulieri, & puero & seni, & priuatis.

De lauacris naturalibus. Ca. LII.

**Q**Uæ per se naturaliter q; proueniūt thermæ, aliæ quidē nitri, aliæ salis, aliæ alūinis, aliæ sulphuris, aliæ bituminis aliæ æris, aliæ ferri naturā imitant. Nonnullæ cōpositā ex eis uim obtinēt. Igitur in totū omnes per se, spontē q; proueniētes thermæ, exiccandi, calfaciendi q; uim habent, & frigidis humidis q; præcipue profunt. Verū quæ nitri, salis q; mixtura constant capiti & thoraci, & fluxionibus affecto auxiliantur, & stomacho quē humor infestat, & aqua inter cutem laborantibus, tumoribus ex morbo prouenientibus & pituitosis. Quæ aluminis uim habent, sanguinem reiicientis



PAVLI AEGINETAE.

bus, stomacho uomiturienti, mulieribus  
quæ inordinatæ purgant, & quæ frequē  
tes abortus faciunt. Sulphuris uero na  
turā imitantes, nervos mollificant calfaci  
unt q̄, fatigationes solantur, stomachum  
uero effoemināt subuertūt q̄. At q̄ bi  
tuminis mixtura constāt, caput replent,  
sensoria lædunt, calfaciūt uero atq̄ molli  
ficant si quis diu immoretur. Quæ ue  
ro æris uim retinent, ori, tonsillis, vna,  
oculis utiles sunt. At ferri naturā habē  
tes, & stomacho, & spleni conueniunt.

Ingrediendum uero in aquam sine tu  
multu est, ut ipsius uis sensim accedens,  
facilius in corpus demergatur.

Quæ uictus ratio quolibet annis  
tempore sit utilis. Ca. LIII.

**P**Erpulchrū fuerit etiā anni tempora  
in uictus ratione considerare. Hye  
me quidē & fortiori exercitatione, et ple  
niore cibo utendum est, præcipue si tem  
pestas aquilonia fuerit. Si uero australis,  
similiter exercitari oportet, sed cibo po  
tionē que aliquid demere, atque in totum  
per tempus humidum, omnino aridū red  
dere corpus, per frigidum uero calidius



# PRÆCEPTA

ac tum carnes esse olerá q̃ calidiora, atq̃  
uinum bibere meracius. Aduentante  
uere, alius quidem per uomitū, alius per  
uentrem uacuetur, alius secta uena san-  
guinem mittat, prout cuiusq̃ fuerit, uel  
consuetudo, uel animi promptitudo.

Aestate confert quies, exercitatio remis-  
sior atq̃ cibus exiguus, qui quidem ex fri-  
gidiore genere deligendus est, tum uero  
potioni adijcere, atq̃ quicquid refrigera-  
re, humectare q̃ possit, adhibere oportet.

Per autumnū maiori cautela opus est;  
quippe qui usquequaq̃ & inæqualis, &  
inordinatus est, multiformes q̃ inducit  
morbos. Itaq̃ ne circa refrigerationem  
quid peccetur cauendum est, à uenere q̃  
q̃ & frigida potione abstinendū. Ne-  
q̃ uero aeri quis se credat, uel per matu-  
tinum frigus, uel per ardorem meridia-  
num. Pomis impleri noxium est, non ob  
satietatem tantum, uerum etiam quoniā  
uitiosi humores inde nascuntur, atq̃ fla-  
tum quoq̃ excitant, siquidem omniū fru-  
ctuum optimi ficus, uuaē q̃, & flatum pa-  
riunt, & alimenta corrumpunt, nisi ante  
alios cibos assumantur, præassumpti ue-



PAULI AEGINETAE.

ro, neq; inflant neq; corrumpūt. Quū  
frigescere cœperit aer, corpus pro frigo  
ris ratione calfacere oportet, atq; omnia  
facere vt quum hyems iam processerit.  
Nec ab re fuerit reuoluto equinoctio na-  
cuare corpus ex aliquo eorum quæ dixi-  
mus, ne redundantia quædam per hye-  
mem retenta, molestiam inferat.

Victus in negotio degen-  
tium.

Cap. LIIII

**Q**ui in negotio uiuit, siue in priore  
uita exercitare consueuit, siue nūc  
quoq; exercitatur, considerare debet an  
facile huiusmodi consuetudinē ita ferat,  
vt neq; subinde ægrotet, neque spirandi  
difficultate moleste. Quippe huiusmo-  
di corporis natura, ac eius quoq; quod ex  
longis interuallis ægrotat, haudquaq; in  
aliam consuetudine mutanda est. At si iu-  
giter aliquis ægrotare videtur, atq; id qui-  
dem ob plenitudinem, id tibi per uniuersam  
salubrem educationem propone, ut  
moderata semper sit ei humorū quanti-  
tas. Si uero ob humorum uicia elaboran-  
dum est, ut quam optimi fiant humores.  
Igitur qui plenitudinem cumulauerunt.



# PR AECEPTA

eos quidem balneum ingressos, ilico & frictionibus uti, & paulū moueri iubebimus. Qui uero prius ea fecerint, ijs hæc eadē paulū augere atq; cibū exiguū, eundemq; imbecillæ materiæ ingerere consulemus. At uero qui uitiosorū humorū aceruo grauantur, plura habent curationis, pposita, quod nō sit una uitiosorū humorū species, alij enim frigidiorē pituitosamq; magis, alij calidiorē biliosiorēq;, alij atræ bilis potius multitudinem acervāt, Itaq; tales, & cibos & potiones, quæ collectū humorē suapte natura generare solent, uitare debent. Omnibus uero commune præsidium est alui ductio,

Quæ uictus ratio uiatoribus sit obseruanda. Cap. LV.

**L** Abores itineris facile tolerabit obesus, si leniter incedat, atq; per æstatē quidē fascia, cuius latitudo sex septemue digitos, longitudo uero quinq; cubitos æquet, lumbos ad ilia usq; inuoluat, ac baculus quoq; nonnihil præsidij uiatoribus præbet, quū enim per declinem descendere uiam oportet, corpus sese continere non ualens, ac si conto cuipiam nitere



PAULI AEGINETAE.

tur, sustinet. In arduū uero tendentes, facilius eius auxilio in accliuē corporis motionē perficiūt. Porro ab itinere quiescenti, & unctio, & æstiuorū ciborum aliquis & potio moderata hoc tēpore conueniūt, & post prandiū ante arreptū iter quiescere, quod si migrare quis cogatur, sitiat q̄, tenuē polentā ex aqua cū pauco sale bibat. Ardores uero & solis incendium uitare debet. Neq̄ nudū soli corpus exponere, ne ab itinere arefactū induretur, ita enī neq̄ fatigabitur, neq̄ ulla dictarū affectionū ipsum infestabit. Per frigidā uero hyemē iter arripere uolens prius uacuatus unctus q̄ alimētorū quæ hyeme sumenda p̄cepimus aliquod, atq̄ exiguam potionem assumat. Longiori q̄ q̄ fascia, non solum lumbos, sed spinam etiam & pectus, probe apte q̄ inuoluat. Quam uero quiescit, fuerit q̄ sub huiusmodi recreatione frigus vehemens, tum neq̄ ungi debet, neq̄ cibum, neq̄ potionem, neq̄ si illic permansurus est aliam quampiā refectionē capere. Cæterum post longa itinera, alios q̄ labores uehementiores, quanquam non fatigatus, ali



# PRAECEPTA

quīs est, curari tamen exemplo fatigato-  
rum debet, ut uidelicet facilius futuras in-  
iurias deuitet.

Nauigantium uictus. Cap. LVI.

**V**omitio quæ nauigantibus accidit,  
in principio quidem neq̃ facile ne-  
q̃ utiliter arcetur, quippe quæ magna ex  
parte iurare solet. At post vomitum exi-  
guum eundem q̃ boni alimenti cibū of-  
ferre oportet, atq̃ lente aut arida, aut eli-  
xa, cui paulum pulegij adiectum sit, uti,  
aut panē ex uino diluto odorato q̃ mace-  
ratū sumere. Sit uero potatio exigua atq̃  
ea uel uini diluti odorati q̃ aut aceti mul-  
si. Porro lentes coquere oportet donec  
mollescant, tum terere atque siccare, de-  
inde in uas fictile reponere. Diuturni-  
ore autem frequentiore q̃ facto vomitu  
cibos uehementer repressiuos adhibere,  
exiguam potionem dare, ut acetum mul-  
sum in quo maceratum sit thymum, aut  
pulegium, aquam quoq̃ cum farinae flo-  
re, item uinum odoratum dilutum cū pol-  
line. Ad graues uero in nauibus odo-  
res, mala cydonia aut thymum, aut pule-  
gium olfacere, ac ne aspiciendum quidē  
quoad



PAULI AEGINETAE.

quoad fieri potest, mare est, donec consueuerit quis in nauibus uersari. Aquis uero quæ potui dantur, intendendum est ut neq; turbidæ neq; graue olentes, neq; falsæ sint.

De carniū purgatione. Cap. LVII.

**S**I obesum nimis est corpus, eliquare spurgare q; ipsum oportet. Ergo cum calida temperatura, extenuandi vim obtineat, eam crassis corporibus, ut ad mediocritatem redeant inducemus. Didicisti uero quod & uehementes exercitationes & uictus tenuis, medicamentā q; extenuantia & animi sollicitudines, uniuersam corporis temperaturā aridiorem, ac ob eam rem corpus ipsum tenuius efficiunt. Igitur tenuis uictus notus est. Medicamenta uero ad hoc propositū efficaciora, sunt rutæ semen maxime agrestis cū accinis & aristolochia rotunda, & tenue centauriū, & gentiana & polium, ac ea q; quæ uehementer urinam cient, ut petroselinon, quippe omīa hæc, siue singulatim per se, siue cū alijs efficaciter humores extenuare uacuare q; possunt. Adustarum quoq; uiperarū sales uehemēter

e



# PR AECEPTA

extentuant, item theriaca dissipandi attenuandi q̃ uim habet, similiter oleū, in q̃ cocta sit radix cucumeris siluestris illitū. Adde altheæ, gentiane panacis, & aristolochiæ radicem, item poliū atq̃ centaurium. A lauacro nō ilico cibū offerre oportet, sed ut p̃dormiat præcipere, esto q̃ lauacrū ex aqua, quæ distrahendi uim habeat, maxime si sponte scaturientem habuerimus, qualē Mytilenæ uidere est, sin minus, salis flos aquæ marinæ miscetur, cæterū uino tenui albo q̃ utendū est.

Arida uero frictio (id est, quæ asperis pannis sine unctiōe atq̃ sine lotionē fit) uehementer extenuat. Minus etiam alimētorū quā pro exercitationis ratione offerendum est. Præterea corpulenti diu sub sole uersari debēt nihil potare, semel duntaxat cibum sumere, aspera frictiōe ex sale nitro q̃ uti, quippe in balneis nitri plurimum attenuat, non tam multum uero ut uegetius nutriatur corpus excisat. Attenuat præterea medicamentum quod habet piperis & petroselini duplū, asari & anisi dimidium, id & urīnam & alui quoq̃ sedimina utiliter ducit.



PAULI AEGINETAE.

Quomodo nutriendi sunt graciles.

Cap. LVIII.

**C**um uero extenuatos nutrire uoluimus, uinum crassum, edulia ualentissima, exercitationes lentas, frictionem mediocrem, & ut simpliciter dicam, omnia prædictis contraria facere oportet, picare quoque eos tribus quatuor uel diebus non mediocre præsidium est. Quod si ieiunus aliquis lauetur, ante lauacrum linteo confricari expedit, donec totum corpus rubescat, tum frictione uehementi quidem, non tamen multa cutem obstruere, atque sic densam duramque efficere. Cæterum qui non aluntur pallantque, his iram inducere animumque irritare prodest.

De partium attenuatarum curatione.

Cap. LIX.

**P**artes plerumque extenuantur, aut ob diuturnum ipsum ocium, aut ob contractuum deligandi modum. Ideoque firmandæ sunt partis uires conuellendusque sanguis plurimus, tum frictionibus modicis, tum idoneis motibus, ac aspersione quoque aquæ mediocri-

e. ij



# PRÆCEPTA

ter calidæ. Quæ quidem tantisper facien-  
da sunt dum rubescat, attollatur q̃, desi-  
nendū uero anteq̃ remittatur. Picare ue-  
ro, ut dictum est, partem continet, atq̃ si  
frigidiorē eam senseris, linteis, ac calori-  
fico aliquo medicamento perfricare. E-  
quidem tapsiam interdum ex melle, in-  
terdū cum cærato illinere solitus sum.

Quæ sint optimi temperamē-  
ti notæ. Cap. LX.

**T**emperatissimus hō est, cuius cor-  
pus omnium extremorū exacte me-  
dium obtinet, ut gracilitatis, crassitudinis  
molliciei, duricie, caloris, frigoris, humi-  
ditatis, ariditatis, atq̃ ut breuiter dicam,  
cum & naturales et animales functiones  
irreprehensibiles habuerit, mediū quoq̃  
fuerit hirsuti glabri q̃ ac nigri & albi, Pi-  
los uero habeat, in puericia quidem rufi-  
ores quā nigriores, contra uero cum ado-  
leuerit,

Distemperatorum corpo-  
rum notæ. Cap. LXI.

**C**orpora temperato calidiora citius  
cidentiunt, ac similiter ad augmentū  
perueniūt atq̃ tangentibus quoq̃ calidi-  
ora apparēt. Haud ita multa sunt pingue



PAULI AEGINETAE.

dine, colore rubicūdo, pilis nigris, modice hispida, latis uenis. Quod si parum musculosus quis fuerit, uideatur q̃ pinguis crassusque, ac uenas quoque latas habuerit, non natura, sed consuetudine pinguis effectus est. Frigidioris temperaturæ signa si frigidum tangentibus uideatur corpus, & glabrum & pingue. Horū color, una cum capillis rufus ac liuidus quoq̃ necessario, si multum excesserit frigiditas. Arida uero, & durior est & gracilior quā bona temperatura, at q̃ subhirsuta, siquidem duricies ab arida temperatura separari non potest, gracilitas uero non solum innatas, uerumetiam acquisitas, quæ uel ex modica oriūtur consuetudine, sequitur temperaturas, siccitatis præterea signum est, si ea quæ exiccādi uim habent, & difficulter mobile & aridum, ac squalidū corpus efficiunt. Humida in cæteris quidem similis est bonæ temperaturæ sed mollior corpulentior q̃ quippe cum inseparabiliter eam comitetur & mollities & crassitudo, quod nō solum de innata temperatura, uerum de eā quoq̃, quæ ex parua quadam consuetudine



# PR AECEPTA

ne constituta est, intelligitur. Cæterū, p-  
 prium humiditatis signū est, grauari cor-  
 pus ab humidioribus. Calida & sicca,  
 extremæ distemperantiæ est, eius capilli  
 in iuuentute & facile augentur, & nigri  
 & multi sunt, attractu temporis calue-  
 scunt huiusmodi naturæ, uenæ latæ sunt,  
 similiter & arteriæ, quæ & magnæ sunt,  
 & uehementer pulsant totū corpus robu-  
 stū, firmū, musculosum, pinguedinis ex-  
 pers, cutis uero & durior & nigrior ap-  
 paret. Quibus frigida humidā q̄ fuerit  
 temperatura, ijs & thorax, & uniuersum  
 corpus strictū est ac glabrum, cutis lenis  
 albā q̄, capilli subrubi, maxime in iuuen-  
 tute, neq̄ caluent in senectute, sunt uero  
 timidi, pusillanimes, somnolēti, uenis la-  
 tentibus, crassi, pingues, musculos habēt  
 imbecillos infirmos q̄, atq̄ blesi q̄q̄ ma-  
 gna ex parte sūt. Qd̄ si plurimū frigidi-  
 tas humiditas q̄ augeātur, erit color una  
 cū pilis rufus, liuidi uero euadēt si supra  
 modū excedant. Cæterū frigida humi-  
 dā q̄ temperatura mollior ac corpulen-  
 tior est quā optima, quæ si plurimum in-  
 tendatur, facile morbis qui ex putredine



PAULI AEGINETAE.

proveniunt afficitur. Qui uero patilo humi-  
diores, multo uero calidiores sunt, ij  
ut patilo molliores sunt tēperatis, ac car-  
nibus magis abundant, ita multo hispidi-  
ores calidiores' q̃ euadunt. Si autē frigi-  
ditas una cum ariditate æqualiter anget  
parum musculosum erit corpus, ac imbe-  
cillum quoq̃ & glabrū, tangentibus ue-  
ro frigidum apparebit, neq̃ pinguedine  
carent huiusmodi corpora. Licet enim te-  
nuia sint, pinguedo tamen per carnes di-  
spersa conspicitur. Color uero capillorū  
frigiditytis modum ac proportionē imi-  
tatur. Quod uero ad animi mores perti-  
net, pusillanimes, timidos et tristes fa-  
cit huiusmodi temperatura. Atque ut  
summatim dicam, in coniugatis tempe-  
raturis, uincens semper qualitatis signa  
uincere consueuerunt.

De capitis formatione. Cap. LXII.

**P**artum quidem caput, uitiosæ con-  
structionis cerebri proprium est in-  
diciū, magnum uero nō necessario bo-  
nam cerebri composituram significat, si  
enī ob insitæ potentiæ robur optimā ma-  
teriam formātis eueniat, bonū signū est.

e iij



# PR AECEPTA

si uero ob solam materiae multitudinē nō bonum. Itaq; distinguenda sunt hæc, tū ex ipsa capitis figura, tum ex his quæ ab eo oriunt. A figura quidē si cōcinna est, quippe hoc semper bonum est signum. Ab ijs uero quæ oriuntur ab ipso, si optime constituta sunt, si omnis nervosa substantia bene coaluit, & ualida est, atq; si acute uidēt oculi. In pyramidis uero speciem fastigiata capita, deficientem in frōte, uel occipite habent eminentiam aut plus quā deceat auctam. Igitur ut paruitatem, ita has quoq; uituperamus figuras quarum nonnullæ, q̄uis raro bonæ sunt, quum formans uidelicet potestas ualida fuerit.

Temperaturæ cerebri notæ. Cap. LXIII.

**T**emperatum cerebrum mediocritatem seruat animalium operationum & excrementorum, ac minime ab omnibus quæ extrinsecus occurrunt læditur. Horū capilli per infantiam quidem, subrufi sunt, in pueritia subflauī, in adulescētia uero flauī atq; mediī sunt inter exacte crispōs ac simplices, neq; caluescunt facile. Si uero calidiū temperato fuerit,



PAULI AEGINETAE.

omnia quæ circa caput sunt, & calidiora  
& rubicundiora apparent, neque latent o-  
culorum uenæ, capilli ilico post natiuita-  
tē ex capite prodeunt, multo quidem ca-  
lidioribus, nigri, robusti, crispī, nō multo  
uero, primum quidē subflauī, deinde ni-  
gricant, procedente uero ætate caluent,  
qui sic affecti sunt, atque si integra sanitas  
est, excrementa eis pauca sunt, capita re-  
plentur à calorificis edulīs odoribusque,  
atque ab ijs quæ extrinsecus occurrūt, bre-  
uibus somnis atque ijs haudquaquē profun-  
dis huiusmodi temperaturæ contentæ  
sunt. Frigidioris quā conuenit cerebri  
notæ, excrementa plura per proprios mea-  
tus, capilli recti, rufi, stabiles, & facile à  
refrigerantibus causis læduntur, destilla-  
tione, grauedineque assidue capiuntur, o-  
culorum uenæ uisu effugiunt, atque som-  
nolentiores quodammodo sunt. Qui  
sicciori sunt cerebro, huiusmodi notis de-  
prehenduntur, meatus nulla superfluita-  
te redundant, sensus habent exacte liqui-  
dos, uigilaces sūt, capillos robustissimos  
haud multo postque geniti sunt, producūt  
atque eos crispōs magis, sed celeriter



# P R A E C E P T A

caluent. Hūidioris cerebri capilli simplices sunt, & haudquaquam caluitiū admittunt, sensus turbulenti, excrementorum multitudo, somnus plixus atque profundus. Si uero calidū & siccū fuerit, superfluitatibus carent, sensibus uigent, uigilantissimi sunt, facileque caluescunt, & primus quidē capillorū ortus celerrimus est, & bene coalescēs, nigros habent capillos, & si quis caput tetigerit, ipsum calidū iudicabit, atque ad uigoris usque aetate rubicundi sunt. Quod si calori humiditas quoque accedat, neque multū utraque mediocritate superet, his & coloris gratia, et calor inest, & oculorū uenae magnae, excrementa plura mediocriter concocta, capilli recti, subflauī, neque caluent facile, caput à calorificis humectantibusque laesum, facile & impletur & grauiatur, uigilare diu nequeunt, dormiētes uero imaginibus per insomnīa infestantur, uisus eis turbidus, ac ne sensus quidē uitio carent.

Frigidae autē simul & aridae cerebri temperaturae frigidū et decoloratū caput reddunt, neque oculorū uenae prominent, & à refrigerantibus causis facile laeduntur



PAVLI AEGINETAE.

huiusmodi temperaturæ, idcirco inæqualiter sani sunt, sensus eis in iuuentute quidē sinceri illesi q̃ sunt, ætatis uero siccatione celeriter marcescūt, atq̃ (ut summatim dicam) omnia quæ circa caput sūt festinā minantur senectutē. Cæterū post natiuitatē uix eis capilli oriūtur, male coalescunt & rufi sunt. Frigidæ & humidæ cerebri temperaturæ somnolentos, soporatos q̃ efficiunt, sensus hebetes superfluitatibus redundantes, tales & facile à frigore afficiuntur, & caput plenitudini obnoxium habent, atq̃ destillatione grauedine q̃ facile corripit̃ur, sed haud quāq̃ caluescunt.

Quibus notis uentriculi temperatura deprehendatur, Ca. LXIII.

**V**entriculi natura quidē aridioris indicia sunt. Si celeriter sitibundi fiāt & exiguus eis sufficiat potus, ac multo grauent̃, & fluctuationibus infestentur, cum scilicet supernatauerit id quod redundat atq̃ edulj̃s delectantur aridioribus. Humidioris, si neque sitibundi sunt, ac redundantem quoq̃ humorem sine molestia tolerāt, atq̃ alimentis gau-



# P R A E C E P T A

dēt humidioribus. Calidior natura uētricus melius concoquit q̄ appetat, maxime dura & quæ suapte natura difficulter conficiuntur, gaudet multis tum alimentis, tum potibus, & neq̄ frigida nocent ei, si modice ipsis utat̄. Frigidus natura uentriculus, idoneus quidem ad appetendū, sed ad cōcoquendū ineptus, præcipue quæ non facile concoquuntur aut quæ frigida sunt alimenta, nam facile acescūt in ipso, gaudet uero frigidis, sed ab immodico eorū usu læditur. Quæ uero morbi rationem habent, uentriculi intemperantiæ, hoc ab innatis differunt, quod contraria nō similia appetunt ut naturales. Igitur si probe concoquit uentriculus, temperatus, si uero non concoquit, intemperatus est. Item si fumosum ructat, immodicus igneus q̄ est eius calor, si uero acidum, e contrario, atq̄ qui cibos coctu difficiles conficiunt, immodico sunt calore, ideo q̄ eos qui facile concoquuntur, ut pisces mollioris carnis, ac alios huiusmodi corrumpunt. Carnes uero bubulas facile concoquūt. Rursus qui has quidem conficere nequeunt, pisces



PAVLI AEGINETAE.

si vero concoquunt, considerare oportet, num ob humorē aliunde affluentem hoc accadat, quippe pituitosi acidū, biliosi fumosum & graue olens, atq; alias quasdā extraneas qualitates ructant. Nausea autem utrisq; cōmūniter accidit. Verum si nitiosi humores uentriculum implentes in eius cōcauitate natauerint, uomitu eijciuntur, si uero in orificij ipsius tunicis cōtinentur, inani ad uomitum nausea frustra cruciant.

Pulmonis signa. Cap. LXV

**N**on solum uentriculus sitibundos & non sitientes efficit, atq; frigidaē calidāue potionis appetentes, uerum etiam ea quæ in thorace continentur misce=ra, cor, pulmo, iecur, cum ita q; biberint tales, non ilico sedatur eorū sitis, atq; frigida exigua q; potio magis quā multa et calida, eorū sitim solatur, ac frigidus aer inspiratus refrigerat eos, cum nihil itiuet ob uentriculum sitientes. Sic qui ecōtra rio affecti sunt, a frigida inspiratione sensibilibiter molestantur (quæ potissima frigidī pulmonis nota est) ac pituitam quoq; cum tussi screantes expuunt. Vt autē ari



# P R A E C E P T A

di pulmones rarissime excrementis pituita q̃ abundat, ita humidi maxime excrementosi sunt, & obscuram raucam q̃ uocem reddunt, praesertim si quis uel uehementius, uel acutius loqui studuerit.

## Cordis signa. Cap. LXVI

**C**alidioris cordis signa sunt, respirationis magnitudo, pulsus uelox & densus, audacia atq̃ furiosa ferocitas, thorax hirsutus, maxime secundum pectus, et ea quae praecordiis uicina sunt, atq̃ magna ex parte totum corpus calidum, nisi magnopere renitatur hepar. Sane thoracis amplitudo caloris signum est, nisi in hac recerebrum ei uehementer obstiterit. Cor frigidius, pulsus reddit temperatis minores, tales suapte natura timidi, pusillanimes q̃ sunt, praecipue si glabrum fuerit eis pectus. Aridius cor pulsus efficit duros, & iram, lentam quidem sed feram, & quae non facile pacatur, atq̃ uniuersum quoque corpus aridius, nisi resistat iecur.

Humidioris cordis signa, pulsus molles, & mores ad iram quidem proni, sed qui facile sedari possit, atq̃ totum corpus humidius, nisi iecur obstiterit. Calidi & sicc



PAULI AEGINETAE.

ci cordis, pulsus & duri & magni, & ueloces et frequentes sunt, atq; respirationes magnæ, ueloces, frequentes, ac hirsutissimum est eis pectus, similiter & præcordia sunt in tractandis negocijs prompti, furiosi, audaces, moribus tyrannicis, ueloces ad iram, & non facile placant. Si uero cum calore uicerit humiditas, tales minus hirsuti sunt quam superiores, expediti ad negocia, neque fero sunt animo, sed ad iram duntaxat procliuēs pulsus magni, molles, celeres, & frequētes sunt. Humidioris & frigidioris, pulsus molles, mores pusillanimes, timidi & segnēs sunt, pectus glabrum, neutiquam furiunt, ac ne ad iram quidem proni sunt.

Frigidum & siccum cor, pulsus efficit duriores & partios, nō omnium minime irascantur, sed cum irati fuerint, retinent iram, atq; glabrum est eis pectus magis omnibus alijs.

Quibus indicijs iecoris temperatura deprehendatur. Ca. LXVII

**H**epatis calidi signa. Venarum latitudo, flauæ bilis abundantia, atq; per uigoris ætatem atræ, calidior est illis san



# P R A E C E P T A

guis, atq; eadem ratione totum corpus, nisi cor obstiterit, uentrem & praecordia habent hirsuta. Frigidioris, uenae angustae, multum pituitae, sanguis frigidior atq; uniuersi quoq; corporis habitus, nisi à cordis influxu caleseat, uenter & praecordia pilis nuda. Aridioris sanguis crassior & minus abundans, uenae siccae, atq; uniuersa corporis habitudo aridior. Humidioris notae sanguis & abundans & dilutus, uenae molliores, ac uniuersum quoq; corpus nisi cor obstiterit.

Calidi uero & sicci simul indicia praecordium hirsutissimum, sanguis & crassior & minus abundans, amara bilis plurima, atq; per uigorem atra, uenarum & latitudo & durities, atq; uniuersum corpus calidum & siccum, Sane calor à corde procedens frigiditatem à iecinore ortum uincere potest, quemadmodum & frigiditas calorem. Siccitatem uero non potest cor humidius ad contrarium ducere. Igitur manifestum est, quod si in unum conuerint utriusq; principij temperaturae, secundum illas exquisitae afficietur uniuersum corpus. At calidum & humidum  
hepar



PAULI AEGINETAE.

hepar, præcordia minus hirsuta facit quā  
calidum & siccum, plurimum uero san-  
guinis generat, uenas latas, habitum cali-  
dum & humidum efficit nisi cor renitat,  
quod si plurimus à naturali modo fuerit  
utriusq; qualitatis excessus, à morbis qui  
ex putredine ac uitiosis humoribus fiunt  
facile corripuntur sic affecti, id' q; magis  
si plurimum humiditas, calor uero parū  
increuerit. Præterea uitiosis quoq; hu-  
moribus abundāt. Iecur humidius fri-  
gidius q; glabrum habet præcordiū, san-  
guinem pituitæ naturam imitantem effi-  
cit, uenas angustas, atq; totū quoq; cor-  
pus similiter afficit, nisi à corde ad con-  
trariam naturam traducatur. Frigidū  
uero & siccum, parū sanguinis & uenas  
strictas facit, ac corpus etiam frigidius,  
præcordia nuda, nisi & hic quoq; cor do-  
minetur.

De testiculorum tempe-  
ratura. Cap. LXVIII

**T**esticulorum calida temperatura ad  
libidinem prona est, & masculorū  
generatrix & foecunda, & celeriter geni-  
tales partes hispidas facit ac uicinas q; q;  
attigit partes. Frigida uero ecōtrario.

f



# PRAECEPTA

Humida quidem, humido multoꝝ ꝓ semi-  
ne abundat. Sicca uero exiguum quidẽ,  
sed crassum semen producit. Calida et  
sicca temperatura, mediocriter crassum  
semen genitale habet, & foecundissima  
est, ac celeriter ab initio ad concubitũ ex-  
citatur animal, & citissime genitales partes  
hirsutas reddit, ac uicinas quoꝝ, superne  
quidẽ ad umbilicũ, inferne uero usꝓ ad  
femora, quippe uehementer in libidinẽ  
irruit huiusmodi temperatura, sed ilico  
satiatur, & si coacta fuerit læditur. Si cali-  
ditas humiditati copuletur, hirsuti quidẽ  
tales, & abundant magis genitalem semi-  
nem, sed non magis appetunt alijs, ac mi-  
nus nocet eis frequẽs coitus, quod si plu-  
rimũ increuerint calor & humor, nõ sine  
noxa à uenere abstinẽt. Frigida & hu-  
mida testiculorum temperatura, adiacen-  
tes partes glabras reddit, & tarde coire  
incipiunt, neꝓ proni in uenerem ruunt,  
aquosum & tenue est eis semen genitale  
& parũ foecundum, foeminarum ꝓ gene-  
ratiuum. Frigida uero & sicca, in reli-  
quis quidem superiori similis est, sed cras-  
sum est ei semen genitale & perexiguum,



PAULI AEGINETAE.

De omiffis. Cap. LXIX.

**S**ingulae in nobis partes peculiarē quādam & temperaturam & uim obtinēt sed omniū notas perstringere haudquam necessarium est, quippe quae infinitae fere sunt, & nos compendium scribere statuimus. Porro illas duntaxat persequuti sumus, quibus reliquum quoque corpus coafficitur, reliquas uero per has, uia et ratione perpendere oportet, tū ab excrementis, tum ex reliquis & actionibus & casibus, ipsarum temperaturas scrutantes. Itaque superest, ut ad praesidia quibus uniuersi corporis intemperies corrigi possit, nostra conuertatur oratio.

Calidae corporis intemperantiae medela. Ca. LXX.

**E**Rgo cum in calidis distemperantibus bilis redundet, si per inferiores subit partes, nullum negotium praebet, si uero ad superiorem uentriculum ascenderit, post exercitationē & ante cibum, ac epota aqua, uomitu eijcienda est. Exercitatio eis utilis est, non uelox, non uehemens, sed segnior atque lenior. Nonnulli qui ita calent, prorsus exerci-

f ij



# PR AECEPTA

tationibus non utuntur, sed deambulati-  
 one atq; lauacro contenti sunt, quinetiā  
 post cibum lauacris delectant. Quos  
 cum calore simul siccitas infestat, n̄ humi-  
 diori egent uictus ratione, tū ex humidis  
 edulijs, tū lauacris, abstinere uero à uali-  
 lidis multis q̄ exercitationibus debent,  
 quare per æstatem citius abluantur, dein-  
 de à cibo iterum, ac frigida quoq; potio  
 eis prodest. Porro aridis tēperaturis in-  
 festissima uenus est. Abstinere uero à fa-  
 tigatione, æstu, curis, uigilijs debent.  
 Humidæ natura temperaturæ per ætatē  
 puericiæ, morbis corripuntur, qui ex de-  
 fluxione uel plenitudine, uel putredine  
 quoq; proueniunt. Igitur & multa exer-  
 citatione, & exacta in uentre concoctio-  
 ne, atq; per urinas etiam secretionē indi-  
 gent, quod si bis terue ante cibum lauen-  
 tur, id q̄ ex aquis suapte natura calidis,  
 mirifice iuuantur, at ne defluctionibus in-  
 festentur providendū est, & lauacris, &  
 multa exercitatione & cibo, & secretio-  
 ne tum per urinam, tum per aluū, ac nihil  
 prohibet interdum apophlegmatismis q̄  
 q̄, ac purgationibus uti, alimentis q̄ bo-



PAULI AEGINETAE.

ni succi, & uinum bibere quo urina mo-  
ueatur.

Frigidae distemperatiæ re-  
media. Cap. LXXI.

**F**Rigidarum distemperantiarum tres  
sunt differentiae, quarum quæ sicca est  
pessima censetur, quippe quod alijs se-  
nibus tractu temporis euenit, id statim à  
principio tales molestat. Ergo humecta-  
re calfacare quæ eos oportet, modice exer-  
ceri, alimentis calidis humidis quæ uti, uina  
calidiora bibere, diutius dormire, Neque  
negligere debemus, ut contrecta quæque  
die in corpore excrementa euacuentur.  
Concubitus sicciores quidem omnes læ-  
dit, maxime si ariditati frigiditas quoque  
iungatur. Calidis uero & humidis dunta-  
taxat tutus est. Ac uitiosæ quoque sunt tem-  
peraturæ, quæ frigiditati humiditatē co-  
pulant, quoniam morbis creberrime cas-  
piuntur qui ex defluctione proueniunt,  
hos à lauacris abstinere oportet, frequen-  
ter exerceri, uictum tenuem, & mediocri-  
ter calidiora unguenta adhibere. Qui  
uero natura frigidiores quidem sunt, mo-  
dum uero siccitatis humiditatis quæ non ex-  
cedunt, horum & excitare & roborare ca-

f in



PR AECEPTA

lorem conuenit, et quod ad humiditatem  
siccitatemq; pertinet, in uniuersa uictus  
ratione mediū obseruare.

Aridæ distemperantiæ in uentriculo  
ueluti exemplo, mox aliarū quoq; di  
stemperantiarū medela, Ca. LXXII

**D**istemperantiarū siccarum, alia est  
quādo similes partes, quæ solidæ  
sunt substantiæ, sicciores effectæ sūt. Hæc  
nullo medicamēto uincitur. Alia subest  
ex hūore cōpactæ peculiaris effectus est  
cū ppria humiditas q̄ partes alit prorsus  
deperdita est. Hæc in oībus animalis par  
tibus, ueluti sparsus ros cōtinet, sed sine  
cibo in partibus reponi nō potest, quæ p  
pter difficillima est huiuscemōi affectio  
nis medela. In paruis uero arterijs uenis  
q̄ consistētes ariditates, curare licet, si hu  
midos cibos exhibentes, singulss partes  
peculiari humiditate impleuerimus. Igi  
tur utile fuerit laborantē diu in aqua tēpe  
rati lauacri uersari, mox à balneo asininū  
lac, nouū, nuper emulctū, cui paulū tepis  
di mellis adiectū sit exhibere, deinde qui  
escere sinere ad secundū usq; lauacrū, tū  
unguento aliquo modice perfricare, dū



PAVLI AEGINETAE.

modo exhibitum lac exacte confectū esse: tū ex ructibus tum ex uentriculi tumore conieceris. Porro inter primū atq; secundum lauacrum, quatuor quinq; horæ equinoctiales intercedere debent, si tertio quoq; ipsum lauare proposueris. Sin minus, plures. Atque post singula lauacra antea quam induatur, oleo perfriandus est. Quinetiā post secundum lauacrum lac ei dabimus, si id quidē ei gratum est. Sin minus, ptisanam exacte coctam, aut aliquam ueluti ptisanam præparatam, deinde rursus interposita requie, uel ad tertium lauacrum, uel ad coenam ducemus. Panis ita præparetur, ut sit, pbe in fornace affatus atq; purus.

Obsonium præbeant uel pisces saxatiles, uel asellus (quem Græci oniscon uocant) ex iure albo. Atq; ut breuiter dicā, caput educationis est, ut cibus coctu facilis, boni alimēti, haudquāq; uiscosus, neq; superfluitatibus redundans. Potio aut esto uinū aquosum, album, purum, paulum aquæ sustinens, modice stringens. Hæc sūt maxie ariditatis p̄sidia. Modica uero siccitas nō tā exquisita circa victū

f iij



# PRAECEPTA

obseruatione indiget, atq; pleniorẽ cibum admittit. Igitur proponatur nobis siccitas priori quidẽ similis, sed cui modica frigiditas fuerit annexa, in hac caloricorum materiã pro frigiditatis mensura mutare oportet, adiñciendo eis quæ iã dicta sunt, ut lacti quidẽ, plus mellis, ac uinum minus aquosum quã id quod proposuimus, atq; edulia etiã calidiora dabimus, non solũ natiuis temperaturis, uerum etiã recentioribus qualitatibus. Præterea nardino, mastichino q; unguẽto iugiter illinemus. Vbi uero multa frigiditas ariditati iungitur, ea ut difficillima putatur, ita maxime curationi resistit quare uel eisdem ei medicamentis succurrere, uel mel coctum abiecta spuma per se exhibere, atq; uina peruetusta eligere cõuenit. Neq; aliud salubrius medicamentum inuenitur eo, quo assidue picatores utuntur, uentriculo illitum, atq; mox ante quã refrigescat auulsam, atq; dormire cum puello corpulento, ut iugiter superiorem uentriculũ attingat, efficaciter auxiliatur. Cæterum si ariditati mediocris calor coniunctus est, in hac prima ui



PAULI AEGINETAE.

Et ratio obseruanda est, ut uidelicet qui  
ita afficiunt, mel prorsus non degustent  
& uinum uetus minime ingerant, sed es-  
culenta tepida & lactea eis exhibere, at  
q̃ uentrem omphacino melino q̃ unge-  
re oportet. Atqui nimis studiose tales in-  
frigidare, tutū non est, quandoquidē fe-  
bris quodammodo naturā imitatur hæc  
affectio, cum calor excesserit. Rursus  
supponamus calidam distemperantiam  
uincere, ei q̃ humiditatē copulari. Hanc  
intemperiem aquæ frigidaë potione cura-  
bimus, atq̃ refrigerantia astringentia q̃  
alimenta idonea sunt, sed quæ ita sint au-  
stera, ut non calfaciant. Humida intē-  
perantia, si sola fuerit, siccantibus edulīs  
quæ neq̃ calfaciant neq̃ refrigerent, mi-  
rifice iuuatur, quam etiam corrigit solitæ  
potionis abstinentia. Si uero frigiditas ei  
accedit, optima præsidia sunt, acris omnia  
adiectis astringentibus, quibus nulla ma-  
nifesta sit refrigerandi uis. Exigua quoq̃  
potio, ea q̃ uinorum uehementer calori-  
ficorum eis eximie medetur. Ergo di-  
stemperantiarū quæ in qualitatibus sunt,  
hæc sunt remedia. Cæterum cum sæ-



# PRAECEPTA

penultimo ex humore, qui uel in uentri-  
culi spacio continetur, uel in tunicis ipsius  
impactus est, distemperantia, pueniat, o-  
peræpreciū fuerit de his quoque aliqua per-  
stringere. Igitur si prima affectio quæpiā  
infestat, expurgato per uomitū humore,  
facile conquiescit. Si uero ex alia quadā  
aut alijs influat partibus, tū exacta opus  
est inuestigatione, nam curandi ratio, ef-  
ficientis causæ noticiā statim sequitur. Sa-  
ne uniuersam curationē ad mittentē par-  
tem dirigere oportet, suscipientem uero  
interea duntaxat munire, ut non facile id  
quod influat suscipiat, quod & astringen-  
tibus perficitur, & his quæ ad bonū habi-  
tū, uniuersum corpus perducunt. Viciati  
uero humores qui uentriculi tunicis im-  
pinguntur, mediocriter purgātibus edu-  
cendi sunt, huiusmodi est aloë, & quæ ex ipsa  
componitur hiera amara. Viscosiorē uero  
pituitā simul uentri impactā, primū inci-  
dere oportet, deinde expurgare, atque si  
idoneus aliquis est, sumpta radícula uo-  
mere. Si uere neque uiscosus neque crassus  
fuerit humor, satis fuerit uel ptisanæ suc-  
co uel mulso uomitū mouere, aut absin-



PAULI AEGINETAE.

thij succū ex mulso bibere. Caterū reli-  
quarū partiū distemperantiā haud ab si-  
militer curant, humores ad expeditos in-  
doneos q̃ meatus ducendo, quod si sen-  
sibili meatu pars caret, abundantē uel sa-  
niem uel humorē, uel spiritū quoq; flatu-  
osum in ipsa contentum, in uaporem re-  
digere, ac sic deinde euacuare opor-  
tet.

De ciborum facultatibus.  
Cap. LXXIII.

**C**onsequēs est ut de ciborū facultati-  
bus sermonē, qui salubriū q̃q; prae-  
ceptorū pars est, p̃dictis subnectamus, si  
prius quam particulatim ipsos persequa-  
mur, pauca quidem præmiserimus, quip-  
pe oportet, si quicq; aliud ciborū nosse fa-  
cultates. Igitur cibi, quibus extenuan-  
di uis est, meatus aperiūt, humores ob ni-  
mium lentorem adhærentes abstergunt  
crassos incidunt & attenuant. Quod si  
diutius quis eis utat, serosas, biliosas q̃  
cumulabit superfluitates. Atq; si adhuc a-  
bundantiū ingerant, melācholicū sangui-  
nē constituūt, quā ob rē assiduus ipso-  
rum usus fugiendus est, maxime quibus



# PRAECEPTA

biliosa fuerit natura, his uero dūtaxat cōgruunt, quibus pituita & crudus & uiscidus, atq; crassus humor cumulatus est. Qui uero cibi impinguandi uim obtinēt n̄ firmū præbent alimentum, atq; si in uētriculo iecorē q; probe concoquant, bonum sanguinem generant, sed lienem et iecur obstruunt. Horū uero ipsoꝝ, alij crassiores humores duntaxat faciunt, ut lens, alij uiscosos, ut malua, alij & crassos et uiscidos, ut quibus testa pro tegmine est. Igitur uictus extenuans ad bonā ualeitudinem tuendam multo tutior est eo, qui crassitudinem inducit. At quia exiguum alimentū præbet, nihil uel firmitudinis uel roboris corpori præstat. Itaque ubi indigentia aliquem pressit, cibus in q̄ plurimū alimenti est, modice exhibendus est, sed præcipue illis citra noxam datur, qui exercitationi operam dant, et qui quantū libuerit dormiunt. Quicunq; uero ante cibum exercitari non possunt, alimenta quæ crassos succos faciūt, fugere debent. At neq; in ocio degentes huiusmodi cibos admittant. Porro ut perpetuum ociū bonæ ualeitudini maxime ad-



PAVLI AEGINETAE.

uerfatur, ita mediocris motus summo p̄sidio est. Mediæ uero materiæ alimenta omnium præstantissima sunt, utpote q̄ mediocris substantiæ sanguinem producunt, atq; ut huiuscemodi edulia corporibus nostris commodissima sunt, ita uitiosum succum generantia, maxime noxia semper q̄ fugienda sunt. Summo pe= re uero uitanda est alimentorū uarietas, præcipue ubi contrariæ fuerint eis facultates, nam quæ sic ingeruntur, coctioni resistunt.

De oleribus. Cap. LXXIII

**L**actuca manifeste refrigerat & humectat, atq; idcirco somnū quoq; allicit. Vt uero ex olerib; ipsa maxime nutriendi uim habet, ita optimi succi sanguinem facit. Intubus refrigerandi humectandique uim obtinet, at lactuca inferiorem. Malua refrigerat quidē, sed obscure, magis uero humectat, atq; ob uiscositatē aluum ducit. Beta abstergendo aluum mouet, unde si crebro edatur stomachum uellicat, atq; iecur & lienem obstruit. Brassica bis quidem cocta comestā q̄ uentrem cohibet, si uero



# PRAECEPTA

semel, neq; admodum coquatur, atq; ex  
oleo & garo aut sale edatur, ducit potius  
aluū, quemadmodū ius eius purgandi po-  
testate lentiū cremore pstantius est. At  
manifestius magis q; uentrē mollit mari-  
na brassica, nā & salsa & subamarulenta  
est, quapropter auron quoq; subducendi  
aluū potestas est, eo quod plurima false-  
dine participat. Brassica uero stomacho  
magis conuenit, utpote quæ mediocrem  
obtinet astringendi uim, ac lac quoq; &  
genitale semen producit. Blitū & at-  
triplex humore quidē abundant, sed exis-  
guū alimentū p̄bent. Omnia aculeata  
ut carduus & fusus agrestis, atq; alia hu-  
iuscemodi, stomacho idonea sunt, exce-  
pta cinara quæ & dura est & mali succi,  
ideo q; cocta cum oleo & garo & co-  
riandro exhibenda est. Apiū, hippose-  
linon, sion, smyrniū, urinæ ciendæ facul-  
tatē habent, sed smyrniū & magis odora-  
tū & acre est, et urinā et menstrua mouet  
Apia uero suauiora sunt, ideo q; stoma-  
cho aptiora. Eruca calida est, & genita-  
le semen pducit, unde & libidinē excitat  
atq; capitis eā doloris speciē quā cepha-



PAULI AEGINETAE.

leam uocant. Nasturtiū, ocymū, sinapi, calida sūt & acría, & præcipue nasturtiū, sūt uero coctu difficilia, stomacho inepta, & mali succi. Vrtica tenuibus constat partibus, aluū ducit, atq; exiguū alimentum præbet. Gingidion simile scā dici est, haud parū stringentis amarulentæq; qualitatis habēs stomacho aptū, ut fastidiosus quoq; idoneū sit ex aceto māsūm, sed corpus parū alit. Quæ uero siluestria olera uocant, ad uitiosorū humorū generationē nihil reliqui faciūt. Caparis & appetentiā excitat, & iecoris lenisq; obstructions soluit, ac pituitā educit, sumenda uero est in prima mensa uel ex oxymelle uel ex oleo & aceto.

De cymarū natura. Cap. LXXV

**B**Litorum, lactucarū, attriplicis, maluæ, betæ, planta quidem humida est Cyma uero arida. Rapa, sinapi, radícula, nasturcium, pyretrum, brassica, aliaque calida, plantam quidem aridam habent, cymam uero humidam. Fruticosarum uero plantarum cymæ, & quæ in paludibus, & quæ in ortis nascuntur, item quæ à bryonia decerpuntur, stoma



# P R A E C E P T A

cho quidem aptæ sunt & urinam mouēt,  
exiguum uero alimentū præbent, quod  
si probe coquant, magis quā quæ ab ole  
ribus sumuntur alūt, similiter de chamæ  
daphnes cyma sentiendum est.

De radicibus quæ cibi rationem  
obtinēt, Cap. LXXVI.

**B**Vnias quidem & rapa, si bis coquan  
tur, haud minus reliquis oleribus a  
lunt, sed si iugiter assumātur, crassum hu  
morem conciliat. Bulbi astringunt, ab  
stergunt, appetentiā excitant, stomacho  
robur addunt, & uiscosos ex thorace hu  
mores educūt, quod si bis coquant, plus  
quidem alimentū præstant, sed nihil edu  
cunt, nam quod amarū in ipsis est ita abi  
citur. Præterea si crebro quis eis utatur,  
genitale semen augent, & uenerem im  
pendio excitant, flatus quoq; faciunt &  
tormina. At ex garo & oleo sumpti, sua  
uissimi sunt & boni alimentū, atq; coctu  
faciles. Pastinacæ, dauci, siferis, radi  
ces, rapis minus alunt, sunt uero calidæ  
odoratæ q; atq; urinam mouent, abuten  
tibus uero & coctu difficiles sunt, & uici  
atos humores pariunt pro communi ra  
dicum



PAULI AEGINETAE.

dicum ratione. Agrestis pastinaca à nō nullis daucus appellatur, & maiorem citandæ urinæ uim habet. Radicula attenuatoriæ, calfactoriæ q̃ facultatis est, sed ante alios cibos ex oleo & garo ducendæ alui gratia sumenda est, post cibū autem nequaq̃. Ceba, alliū, porrus, ampelopraßon, eo quod acri sunt potentia, corpus calfaciunt, atq̃ crassos in ipso humores attenuant & incidūt, & bis quidē cocta paulum, incocta uero nihil alimentum præstāt. At uero allium opilationes soluit, & discutiēdi magis uim obtinet. Ampelopraßa autem utpote agrestia sicciora sunt. Porro in uniuersum omnia cruda olera, coctis peioris succi sunt, magis quæ superfluo humore abundant. Quæ uero uel muria, uel oxyhalme condita reponuntur, stomacho aptiora sunt, & appetentiā magis mouent, ac crudos humores incidunt, sed coctu difficilia sunt, & si quis eis abutiť, malos succos producūt.

De tuberibus. Cap. LXXVII

**T**Vberū succus & si nullam notatū dignam qualitatem præ se ferat, frigidus tamen est crassus q̃. Fungi et fri



# PRÆCEPTA

gidi sūt & pituitosi, & mali succi. Ex his boleti innocentiores sunt, & manifestæ qualitatis expertes si recte coquant, deinde ammanitæ ab ijs secundū locū obtinent, ab alijs uero fungis abstinere oportet, quippe cū multi ex ipsis lætiferi sint, ac ipsi quoq; boleti, nisi percocti edant, præsens periculū sæpenumero minant.

De frumentaceis, Cap. LXXVIII.

**E**X eis quæ frumentacea appellant, Chōdrus mensis conuenit, & uisco sum humorē parit, atqui ablutus uitiosus est, eo quod facile crassus euadit, atq; incoctus permanet. Melior uero est succus ipsius, si totus uti ptisana pbe coquatur. Alica in reliquis quidē Chondro hand absimilis est, sed magis aluū supprimit. Triticū elixum quidē coctū difficile est, & inflat, ubi uero concoctū est, ualentissimam præbet alimoniā. At in panem redactū, inflandī uim & coctionis difficultatē deponit, utpote fermento, sale q; participans. Siligineus panis, quē siligniten græci uocant, omni alio magis alit. Mox similaceus, sic enim semidaliten interpretor, deinde cibarius, græci syn



PAVLI AEGINETAE.

comistō dicūt. Sordidus aut id est furfure  
us, minus quidē alit, sed magis per uen-  
trē descendit. Amylus panis exiguū ali-  
mentū præbet, quemadmodū & lotus.  
Hordea refrigerādi abstergendī q̃ uim  
obtinēt, cū uero ad modū ptisanæ coquū-  
tur humectāt, fricta uero, ut in polētis fit  
desiccāt. Polenta per æstatē ante balneū  
ex aqua potui data, siti medet̃. Hordeace-  
us panis imbecillior est & exigui alimēti  
Maza coctu difficilis est, et magis hor-  
deaceis panibus inflat, cui si mel quoq̃  
accesserit, aluū mouet. Bromus calidus  
est, & exigui alimenti. Milium & panis  
cū frigida sunt & sicca, atq̃ parū alunt, et  
uentrē cohibent, in totū uero miliū præ-  
stantius est panico. Oryza coctu diffi-  
cilis est, parum alit, & uentrē astringit.  
Ptisana sic coquitur, uni eius parti, aquæ  
quindecim, atq̃ paulū olei adijce, ac post  
ebullitionē acetū quoq̃, cū uero exacte iā  
cocta fuerit, salem tenuem. Sunt qui por-  
rum quoq̃ atq̃ anetum addant. Cæte-  
rum Bromus et Chondrus haud aliter q̃  
ptisana præparantur.

De leguminibus. Cap. LXXIX.

g ij



# PRAECEPTA

**E**X leguminibus lens quidē mali suc-  
ci est, & atram bilem parit, uentrem  
astringit, maxime bis cocta, decoctū ue-  
ro ipsius cum oleo & garo potui datum,  
aluum mouet. At quia flatū parit uel sa-  
tureia, uel pulegium adijciendum est.  
Fabæ lenes sunt & inflant, ac abstergūt,  
ac ægyptia faba & calidior est nostra, &  
superfluitates plures relinquit. Pisum  
molle quidem est, atq; non adeo inflat.

Cicera inflant, abstergunt, genitale se-  
men augent, uenerem stimulant, calculū  
terunt. At fricta flatum quidem amittūt,  
sed difficulter concoquuntur. Lupina  
sunt coctu difficilia, haud facile transmit-  
tunt, & succum crudū pariunt. Fœnū  
græcum ante cibū assumptum, & calfa-  
cit & aluū soluit. Cicerae faseli q; si ma-  
cerentur donec radices proueniant, atq;  
ex garo ante cibū sumantur, uentrē sub-  
ducunt, atq; magis quā fœnum græcum  
alunt. Faseli tamen, quæ & siliquæ ap-  
pellant, si integri cū siliquis, uirides q; in-  
gerant, plures superfluitates cumulāt.

**C** De tēporarijs fructib9. Ca. LXXX  
Vcurbita refrigerat humectat q; at



PAVLI AEGINETAE.

¶ aluum mouet, sed paulum alimenti præbet. Pepon in totum & mali succi est, & frigidus humidusq; ac uomitionem mouet, quod si non concoquat, choleram inducit, eius semen urinam ciet, calculos renum conterit, & in totum uehementer abstergit. Melo pepon omnia quæ de pepone dicta sunt, imbecilliora obtinet. Cucumis minus quidem pepone refrigerat humectatq; sed uehementius urinam ciet, & uix concoquitur quod et si cõsequit, mali tamen succi est. Atq; in summa omnes autumnales fructus refrigerant et humectant, & sunt exigui alimenti, & mali succi.

De arborum fructibus, Ca. LXXXI.

**F**icus & uua inter omnes fructus autumnales præcipuum honorem obtinent, utpote quorum succus & minore uicio participat, et magis alit. At ficus uuis sunt succi multo melioris atq; magis alunt aluum mouent, urinam cient, renes purgant, maxime quæ fuerint admodum maturæ. Similiter & caricæ, flatum tamen & improbum sanguinem faciunt, atq; idcirco, si in crebro usu fuerint, pediculos pa-

g in



# PR AECEPTA

riunt. Vuæ retentæ quidem non concoquuntur, & malum succum reddunt, per aluum uero deiectæ, moderatiores euadunt. Vuæ passæ calidiores sunt stomacho, & aptiores, atq; reliquis uitis magis alunt, sed minus aluum soluunt. Morra uehementer humectant, mediocriterq; refrigerant, atq; in prima mensa assupta, uentrẽ molliunt, haudquaquam stomacho aliena, sed parum alunt. Ex cerasifis dulciora quidem aluũ citant, at stomacho noxia sunt. Acerba uero ut stomachũ magis solant, ita minus molliunt aluum. Atq; eadem ratio tũ in uis & moris, tum in alijs multis obseruatur. In totum uero, astringentia siue edantur siue bibantur ante alium cibum aluũ cohibent. Quibus uero uenter ob imbecillitatem nihil deijcit, si aliquid quod molliendi facultatem habeat, ueluti olera, aut pisces, aut aliud huiusmodi præmittere debet deinde astringentia sumere, quæ aluũ roborantia, deorsum impellant, atq; ad secretionem excitent. Nux pini, boni, crassi q; succi est, atq; esui apta, sed nõ facile concoquit. Persica mali succi sunt



PAVLI AEGINETAE.

acescunt q̄ & facile corrumpunt, ideo q̄  
in primis sunt exhibenda, ut & protinus  
deſciantur, neq̄ propter moram in uen-  
triculo corrumpantur. Præcocia uero  
& rhodacina, & armenia, perficis melio-  
ra sunt, ne q̄ enim acescunt, neq̄ simili-  
ter corrumpunt, ac sunt etiamnū delecta-  
biliora. Pomorū, ſuauiā quidē reliquis  
sunt calidiora, & facile transmittunt, præ-  
cipue ſi uel aſſent uel elixent. Acida autē  
ut frigidiora ſunt, ita humores in uentri-  
culo magis incidunt, At auſtera, ſtoma-  
cho quidē robur afferunt & uentrem co-  
hibent, ſed maxime cydonia. Eiuſdem  
potestatis ſunt pira maiora atq̄ matura,  
ſed plus alimentī præbent. Mala puni-  
ca refrigerant, alunt q̄ parum. Meſpi-  
la, ſorba q̄, magis aſtringunt, ideo q̄  
fluenti aluo idonea ſunt. Palmæ niſi  
admodū pingues fuerint, ſtomacho qui-  
dem conueniunt, ſed aluum ſupprimunt  
atq̄ craſſos uiſcoſos q̄ humores pariunt  
& capitis dolorem inducunt. Ex oli-  
uīs druppæ quidē ſtomacho alienæ ſunt,  
& craſſi ſucci. Colymbades uero & quæ  
in muria ſeruatæ ſunt, in prima men-



# PR AECEPTA

sa assumptæ, appetentiam augent, aliu  
 citant, atq; id magis, si uel aceto uel oxy=  
 melle condiantur. Nux iuglās auella  
 nis minus alimēti præbet, sed stomacho  
 magis conuenit. Noces recentiores hu=  
 midæ sunt atq; aluum mouent, aridæ ue=  
 ro si in aqua maceratæ ab interno puta=  
 mine mundenter, haud minorem uiridi=  
 bus habent efficaciam. Amygdalæ in=  
 cidendi attenuandi q; uim habent, unde  
 & uiscera et thoracem purgant, maxime  
 uero amaræ. Pistacia haud dissimili sūt  
 potestate, sed in leuanda iecinoris obstru=  
 ctione sunt præstantiora. Damascena  
 ante cibū sumpta, siue cruda siue ex mul=  
 so cocta, aluum soluunt. Syriaca haud  
 facile concoquunt, stomacho aliena sunt  
 & leuis alimenti. Siliquæ concoctioni  
 renituntur, uentrem astringunt, & sunt  
 mali succi. Sycomora manifeste refri=  
 gerant humectant q;. Citrei mali ex=  
 terna pars acris est, quæ uero ueluti car=  
 nis speciem præ se fert, licet esui sit ido=  
 nea, uix tamen concoquitur, id uero qd  
 intus continetur, siue acidum, siue aqueū  
 fuerit, uehemēter infrigidat. Glandes



PAULI AEGINETAE.

frumentaceis haud minus alunt, sed con-  
coctu difficiles & crassi succi sūt, atq; tar-  
de transmittuntur. Castaneæ omni ex  
parte glandibus sunt meliores.

De animalibus, & primo de uola-  
tilibus. Cap. LXXXII.

**I**Mbecillius alimentum præbent aues  
quã quadrupedes, præsertim quã sues  
sed concoctu facilius, maxime perdix, at-  
tagena, columbinus pullus, gallinæ, pha-  
sianæ. At ex turdis, merulis, paruis passe-  
ribus, in quo genere pyrgitæ quoq; sunt  
solidius alimentũ est, id' q; magis ex tur-  
ture, palumbo, anate, sed multo durius et  
coctu difficilius, atq; fibris fere' refertum  
quod ex pauone accipitur. Anseris uero  
& strutochameli caro, omnibus quas di-  
ximus, plures relinquit superfluitates, dif-  
ficilius cõcoquitur demptis alis, quæ suc-  
ci bonitate cæteris auib; haud inferio-  
res sunt. Grues fibris plenum durum' q;  
alimentum præbent. In totum nero iu-  
niores aues ueteribus sunt humidiores,  
coctu faciliores, alimenti ualentiores, at-  
q; per alium facilius deſciuntur. Simili  
discrimine elixæ ab assis & in sartagine



# P R A E C E P T A

frictis distinguuntur. Item quæ in aridis locis, montibus q̃ degunt, palustribus, & facilius concoquuntur, & superfluitatibus minus redundant.

De ouis.

Cap. LXXXIII.

**G**Allinarum, phasianarum q̃ oua, omnium optima sunt. Anserū uero & strutocamelorū inutilia. Multo autem p̃stantiora sunt recentia ueteribus, atq̃ ut magis alunt tremētia, ita forbilia melius descendunt, ac gutturis asperitates leniunt. Reliqua omnia coctu difficilia sunt, et uix transmittuntur exceptis suffocatis quæ quidem cruda ex garo, uino, & oleo diluta in diplomate modice inspissantur. sic enim et boni succi, et coctu facilia red duntur, fricta autem in sartagine omnium pessima sunt.

De pedestris animalibus.

Caput

LXXXIII.

**E**X quadrupedibus suillæ carnes omnium aliorū eduliorū ualentissimi sunt generis, quippe quæ & sapore & odore familiarē quandā, pprietatē ad hūana corpora referūt, ut a nonnullis qui imprudentes, carnes hūanas degustauerūt, de-



PAVLI AEGINETAE.

prehensum est, alimentum uero quod ex  
ipsis contrahit et glutinosum est, et haud  
facile dissipat. Ouilla caro superfluita  
tibus redūdat, mali quod succi est. Caprae  
nutrimentum praebet acre & mali suc-  
ci, pessimum uero hirci, quippe quod non  
solum mali succi est, uerumetiam coctioni  
resistit. Bubula caro atram bilem pa-  
rit. Lepores crassi succi sunt, sed in hoc  
a bobus & ouibus uincunt. Cerui du-  
ra coctum quod difficile praebent alimoniam. In su-  
ma uero recentiora omnia ueteribus humi-  
diora, molliora, & coctum faciliora sunt. Si-  
militer castrata, ijs quibus integri adhuc  
testiculi sunt, atque corpulenta gracilibus.

De partibus animalium Cap. LXXXV.

**E**Xtremæ partes nervosæ sunt, ac pin-  
guedinis carnis quod expertes, unde et  
glutinosæ sunt & alimentum exigui, atque al-  
uum mouent, excipiunt aues propter abundan-  
tiam ariditatem. Aures, rostra quod cartilagi-  
nosæ sunt, & haud facile concoquunt.  
Lingua laxa, exanguis & exigui alimentum  
est. Glandulae suaves sunt, atque laxae pro-  
cipue mammarum, sed maxime suillae, dum  
uidelicet lacte replentur, ac ne minoris



# PRAECEPTA

quidem alimenti sunt quā carnes, Re-  
 nes, testiculi q̄ mali succi sunt, & coctu  
 difficiles. Atqui gallorum saginatorū te-  
 stes & suaues sunt, & probum alimentū  
 corpori præbent. Contra taurorū, hirco-  
 rum, & arietum, coctu difficiles & mali  
 succi sunt. Cerebrū pituitosum, crassi  
 succi, tardi transitus, coctu difficile, sto-  
 macho alienum, atq̄ nauseosum est, ubi  
 uero probe concoctum est, satis alimen-  
 ti præbet. Spinalis medulla p̄guis est  
 & suauior cerebro, sed in reliquis ei simi-  
 lis. Cor iecur q̄ crassi succi sunt, coctu  
 difficilia, & tardi meatus, atqui suillū he-  
 par cæteris melius est. Lienis mali suc-  
 ci est, & atram bilem parit. Pulmo ut  
 utrisq̄ laxior est, ita coctu faciliior, sed  
 pituitosus est, & minus alit. Ventrīcu-  
 lus, uterus, intestina dura sunt, uix conco-  
 quuntur, atq̄ pituitam gignunt. In uni-  
 uersum uero, siluestria animalia, cicuri-  
 bus, alimentum præbent aridiū, minus  
 q̄ superfluitatibus redundās. Sanguis  
 omnis difficulter concoquitur, præcipue  
 si crassus ac melancholicus est, ueluti bu-  
 bulus, Leporino uero sanguini utpote su-



PAULI AEGINETAE.

auissimo præcipuus honor est, hunc non nulli cum ipso iecinore coquere consueuerunt, ac alij cum reliquis quoque uisceribus. Sunt etiam qui iuuenis porcelli sanguinem edunt. Homerus uero, caprinum sanguinem nonnullos comedisse posteritati tradidit.

De lacte. Ca. LXXXVI.

**L** Ac coctum alit quidem corpus, sed gingiuis, dentibusque nocet, quapropter postea quam ingestum est primum mulso, mox uino acerbo os abluere oportet. Cæterum capiti dolorem affert, præcordia uentriculumque inflat, atque in renibus calculum generat. Igitur ut id quod dilutum magis est, minus quidem alit, plus uero citat alium, ita e contrario crassius, ualentius quidem alimentum præbet, sed non facile descendit. Porro caprinum lac mediocris est substantiæ, ouillum crassioris. Præterea, prout a partu tenuius est, tractu uero temporis crassius, deteriusque efficitur. Quid obseruandum sit lac potantibus. Ca. LXXXVII

**Q** Vi lac potare uoluerit, ab alijs cibis abstinere debet quousque cōcoquat



# PRAECEPTA

tur ac per inferiora decedat. Igitur praestat ipsum recens multum in matutino bibere, dein ieiunare, atque tum uehementes labores uitare, acescit enim si quis laborauerit, ac satius est quoque leniter deambulare, atque interim uigilem conquiescere. Sane ita facienti, primum quidem per aluum subit, ideo quod post deiectionem aliud bibendum est, atque si hoc quoque ad secessum subierit aliud. In primis enim utiliter purgat non ita multum quidem uniuersae molis, sed ea duntaxat quae in uentre continentur, mox uenas ingreditur, atque optime nutriens, haudquaquam deijcitur. In biliosis uero fluxionibus, atque ubi uentriculum eliquari timuerimus, coctum lac exhibendum est, atque sic ipsum coquere oportet. In primis quidem sensim paulatimque, ut & pars quaedam assumatur, & pars concoquatur, deinde magis atque magis coquere. Cauendum uero, ut neque aduratur, neque in casum coaguletur, idque optime fiet, si leniter ipsum coxerimus, & miscendo id quod abscesserit, undique detraxerimus. Igitur ferula polita tenui quoque miscere oportet, & si quid in labijs aulae feruet, id spongia



PAULI AEGINETAE.

purgare, hoc enim sæpenumero reliquū  
lac corrumpit. Ergo coquendum est lac  
ut diximus, donec æquabiliter crassius,  
& crudo lacte dulcius euadat. Præte-  
rea quod in lacte tenue serosum q̄ est, cō-  
sumitur, si calculi marini ex igne canden-  
tes in ipsum demittantur, id q̄ aluo fluen-  
ti maxime si biliosa fuerint excrementa  
eximie prodest.

De lacte schisto.

Cap. LXXXVIII.

Serum lactis à caseo discernitur, si ue-  
hementer ad multum fumum coqua-  
tur, deinde exacte uel per linteū uel per  
pannum coletur. Miscetur autem serosæ  
parti uel mellis, uel oxymellis, uel salis  
modicum, atq̄ ut alutim subducatur datur,  
adultis quidē, ad sextarios duos, iuniori-  
bus uero haud minus sextario. Quod ue-  
ro marinorum calculorum aut ferri ex ig-  
ne candentis demissione incrassatum est  
lac, dysenterix, & alui p̄flutio haud me-  
diocre præsidium est.

De caseo. Cap. LXXXIX.

Caseus oīs acris est, sitim excitās, co-  
ctū difficilis, malī succi, calculum gi-



# PRAECEPTA

gnens. Innocentior uero est, qui recens est, laxis, mollis, suavis, & modico sale conditus, qui uero aliter afficitur, pessimus est. De piscibus. Cap. XC.

**C**onstat omnes pisces frigidiori humidiori q̃ temperatura esse. At qui saxatiles uocantur, cæteris sunt meliores quippe coctu faciles sunt, boni succi, at q̃ modice humectant, nisi dura fuerit eis caro. Non saxatiliū autē in pelago degentes, multo discrimine differunt ab ijs qui in limo nutriuntur aut qua flumina irrunt, sed omnium pessimi, qui uel in stagnis uel paludibus aluntur. At partiatim Capito quidem si in pelago deguerit, modice suauis est, sanguinem uero præbet & tenuiorem & imbecilliorē.

Huic haud ab similis lupus est. Ac in æquore quoq̃ mullus uersat, cæteris piscibus & durior & fragilior, coctu facilis, mensis idoneus, prædulcis, pinguedinis expers. Quibus testa pro tegmine est. Ca. XCI.

**P**iscium genera quæ testa integuntur omnino falsum, crudum q̃ humorē pariunt. Horum ostrea quidem mollissima car



PAVLI AEGINETAE.

ma carne sunt, & magis aliuū ducūt. Chamæ uero & Purpuræ, & Vngues et Spōdyli, & Buccina & Cocleæ atq; huiusmodi alia dura, ac quæ crustata quoq; nominantur, ut Gammari, Paguri, Cancrī, Locustæ, Squillæ, mensis quidem conueniunt, sed coctū difficilia sunt, ac si sæpe in aqua dulci elixētur, alium astringūt. Ius omnium quæ testis concludunt, aliuū ducit, hanc ob causam terrestres quoq; cocleæ uentrem solunt. At uero duræ carnis & coctū difficilis sunt, quæ licet nutriat, mali tamen succi est, quapropter, non nulli ius cum garo & oleo condiunt, atq; sic uentrem subducunt. Echini modice refrigerant, parum alunt, atque urinam cient. De mollibus. Ca. XCII.

**M**olles pisces, ut polypi, sepia, lolli-  
gies duri sunt, coctioni q; renituntur, præsertim polypi, atq; falsum quodā modo habent humorem, si uero concoctione uincantur, haud parum alimenti corpori præbent.

De cartilagineis. Ca. XCIII.

**E**X genere cartilagineo, torpedines,  
pastinacæ, molli atq; prædulci carne

h



# P R A E C E P T A

constant quæ & celeriter subit & facile concoquit, alit' q̃. Raia, leuiraia, squatina, & reliqua huiusmodi genera, duriora coctū q̃ difficiliora sunt, & plus alimentī præbent. Atq̃ in totū duræ carnis animalia haud facile concoquunt, sed & ualens & solidū alimentum præbent.

De cetaceis. Ca. XCIII.

**C**etacea, ut balena, uitul' marinus, libella, delphini & thunni prægrandes, duræ & coctū difficilis sunt carnis, ac crassi succi, sale autē condita moderatiora reddunt, atq̃ alijs piscibus humidiora, superfluitatibus magis abundāt, & ad perturbandū proniora sunt. Salsamento rū differentia, piscium ex quibus constāt sequuntur discrimina.

De uini potentia. Ca. XCV.

**Q**ui sanitati studet quanta sit uini potentia non ignorare debet. Itaq̃ in uniuersum omne quidē uinū nutrit, Id' q̃ magis si rubidū, crassū q̃ est, sed hoc minus boni succi est, dulce uero quāuis nutritia, t̃ stomacho tamen alienū est. Acerbū stomacho quidē gratū, sed nō facile transmittit, ac minus alit, id' q̃ multo minus si



PAVLI AEGINETAE.

fuerit albū, fuluo nullū aliud melius est.

Verus uinū recenti calidius siccus q̄ est  
atq; in summa, uini potētia hæc est. In  
totū uero uinū calorē nostrū excitat, unde  
& coctio melior & sanguis utilior fit.  
Cibū, utpote facile penetrās in oēs par-  
tes deducit, ob quā causā attenuatis q̄q;  
ui morbi, bonū habitū restituit, cibi appe-  
tentiā erigit, pituitā extenuat, bilē per uri-  
nas expurgat, colorē emendat, animū hi-  
lariorē iucundū q̄ reddit, corporis robur  
auget. Atq; hæ sūt vini modice epoti cō-  
moditates. Immodice uero ingestū, con-  
traria efficit, hinc temulentorū euersio-  
nes, dementiæ, sopores q̄ pueniūt, quæ  
propter cauenda est immoderata uini po-  
tatio, quamuis, si ex longis temporū in-  
teruallis liberaliter bibat, cōmoditate nō  
careat, quandoquidē urinas abunde mo-  
uet, ac sudores profundit. At mox assum-  
pto mulso ipsū euomere satius est, ut ne  
paruæ quidem noxæ uestigiū relinquat.

Igitur potationi operā daturus, alio ci-  
bo non admodum se replere debet, atq;  
inter bibendum brassicam elixam edere,  
& bellaria, præsertim quæ ex amygdalis

h n



# PR AECEPTA

constāt, degustare. Hæc enim capitis do-  
lorem leuant, neq; ullā uomentibus mo-  
lestiam afferunt. Ac macerati quoq; ab-  
sinthij cremor ante potationem sumptus  
haud mediocriter auxiliāt, ut ne alid' qui-  
dem inueniri possit crapulæ magis inimi-  
cum, Quod si quempiam mordeat uinū,  
frigidam aquā bibere debet, postero die  
absinthij cremorem sumere, ambulare, fri-  
cari, lauacrum ingredi, atq; subinde exi-  
guo cibo refici.

De melle & mulso. Cap. XCVI.

**M**El coctum magis alit quā aliū sub-  
ducatur, non coctū, contra, ac frigi-  
dis humidis q; temperaturis conuenit.  
Mulsum biliosis non admodum prodes-  
se uidetur, quippe quod ipsis in bilē uerti-  
tur. Igitur huiusmodi naturis oportet ip-  
sum magis aquosum exhibere, at quibus  
uiscera quoquo modo afficiuntur, ijs alie-  
num est. Cæterum hoc modo mulsum  
preparatur, octuplum aquæ melli adijci-  
tur, ac donec spumare desierit coquitur,  
spumam uero simul atque orta est, iugi-  
ter auferre oportet.

De somno

Cap. XCVII.



PAULI AEGINETAE.

**S**uperest post omnia quæ de uictus ra-  
tione diximus, ut de somno quoque dis-  
seramus, quippe qui omnium ultimus ma-  
gna ex parte admittitur. Igitur somnus,  
tu formula quadam loquamur, est animalium  
uirium quies, ab utili humore cerebrum  
mafaciente proueniens. Hinc qui recte  
capessit, multa consequitur comoda.  
Cibos enim conficit, humores digerit, do-  
lores sedat, fatigationes solatur, rigida re-  
laxat, animi ægritudines obliuione delet  
mentis insaniam corrigit. Tempus som-  
no accomodatissimum est post cibum, in-  
terdum uero factus, haud omnibus idone-  
us est, id enim tempus quo dormiunt ali-  
qui, haud satis est, ut in eo cibi perfecte  
conficiantur, intercisa enim ante suam ho-  
ram concoctione, per meridiem exurgē-  
tes sæpenumero acidum ructant, flatibus  
implentur, nonnulli fluctuatione quoque  
molestantur, nisi uel ex consuetudine, uel  
quia satis dormierunt huiusmodi casus  
effugiant. Nocturno autem somno haud  
alius melior est, siquidem nox suapte na-  
tura tum humore, tum tranquillitate som-  
num alliciens, coctionem perfectam effi-

h iij



## P R A E C E P T A

cit. Præterea post nocturnos somnos magna ex parte ad excrementa deijcienda festinamus. Temporis autē somno debiti terminus ex alimentorū perfecta concoctione sumitur, quā, tum ex ructibus, tum ex uentris contractiōe deprehendemus. Post hanc excitatio non inutilis est, utpote, quæ concoctionis excrementa ad secessum agit.

De uigilia.

Cap. XCVIII

**V**igiliarū, quæ iā agrotantes aut ex dolore, aut febrī, aut alio quoniam accidēte infestāt, curationē in libro de febris persequemur. In p̄sentia uero de his uigilijs dundaxat dicendū est, q̄ sanos interdū male afficiūt. Igitur si uel ob mœsticiā, uel sollicitudinē, aut aliā animi ægritudinē quis uigilauerit. In primis mœrorē, quoad fieri potest, fugabimus, deinde sonorum suauitate cogitatio abigenda est id quod nonnulli per lenes aquæ sonos efficere molunt, qui enim sic demulcent facile somnū subeunt. Ac balneū quoq̄ potissimū in uespera, cū bene concoxerint ingrediant, cibum q̄ humectantem assumant, ut lactucas, alios q̄ huiuscemo



PAVLI AEGINETAE.

di. Nigri quoque papaueris uiridia folia ob  
sonis interdum adiciat, pisces cocti faci-  
les edant, uinum tenue non antiquum libera-  
liter bibant. Cubile petitori rosaceo ca-  
put ungant, aut oleo in quo papaueris ca-  
pita aut mandragore decocta fuerint. A-  
nethinum etiam non recens, somniferum est  
Nouimus nonnullos post fatigationem  
subito quieuisse, ac subinde dormiuisse,  
idque ex modica etiam uenere accidere  
solet, alij infrigidato capite uel pedibus  
somnia facile corripuntur. Quod si ob  
cibi uel multitudinem uel maliciam, gra-  
uato stomacho aliqui uigilare cogantur  
nam & hoc accidisse compertum habe-  
mus, quemadmodum alij rursus praeter  
consuetudinem aut ieiunantes, aut exigu-  
um cibum sumentes, dormire nequeunt,  
perpendere oportet, atque causam au-  
ferre.

De sopore.

Cap. XCIX.

**S**I uero rursus profundius ueternosi quod su-  
perueniant soni, ab assiduus lauacris, ac  
quod refrigerante unctione abstinere oportet.  
Vpophlegmatismis uero uti, atque omnino  
uictus rationem calidiorē aridiorē quod, et exi-

h iij



PR AECEPTA

gutū alimentum exhibere, quandoquidē huiuscemōi affectus, à frigidiore humidioreq; materia cerebrum irrigante, magna ex parte accidit.

Dioclis epistola de bona ualetudine  
tuenda. Caput C.

DIOCLES Antigono  
regi salutem.

**Q**Voniam omnium regum doctissimum et in grandæua iam ætate uniuersæ philosophiæ, mathematicæq; studio, clarissimum te uideo, haud alienam à regia maiestate fore putans, eā philosophiæ partem quæ salubria docet, mone re te uolui hoc meo commentariolo, unde hominibus morbi adueniant, quibus notis deprehendantur, atq; quibus præsidij eis occurrendum sit. Vt enim in cœlo nunq; tempestas oritur, quā nō signa quædam præcedant, quibus nautæ, cæteri q; haud imperiti homines, tutiores reddantur, ita humanam naturam nullus vnq; afficit morbus, qui non signo aliquo possit præfagiri. Itaq; hæc nostra præcepta suscipere, & ea pro uiribus obseruare, ne graueris. Hominis corpusculū



PAULI AEGINETAE.

in quatuor partes diuidimus, caput, the-  
racem, ventrem, vesicam. Igitur cum  
caput quid passurum est, hæ solent notæ  
præcedere, uertigo, capitis dolor, superci-  
liorū grauitas, aurium tinnitus, punctu-  
ra temporum, oculorum in matutino la-  
chrymæ & caligatio, olfactus hebetatur  
atq; dentiū gingiuarū attolluntur, Cū ali-  
quid tale p̄senseris, caput purgare oportet,  
non quidem medicamēto, sed uel hy-  
sopi, uel origani capita trita, quæ in aulu-  
la ferbuerint cum musto, aut decocti cya-  
thos tres sumere, inde os in ieiuno ablue-  
re, atq; gargarizando humores à capite  
deducere. Hac capitis affectionū curatio-  
ne, nulla alia leuior est, Optimum quoq;  
præsidium fuerit, Sinapi ex mulso calido  
dilutum in ieiuno sorbere atq; gargariza-  
re, donec à capite pituita defluat. Sed cal-  
faciendum prius caput tegumēto est, ut  
eliquata pituita, pronior ad effluentionem  
reddat. Negligentibus uero hæc quæ iā  
proposuimus signa, huiusmodi affecti-  
ones superuenire solent. Lippitudines  
glaucomata, aurium rupturæ, strumæ in  
cervice, cerebri tabes, grauedo, angina



# P R A E C E P T A

noctu, teredones, vna, capillorum de fluxus, ulcera capitis, dentiū dolor. Si in thorace aliquid futurū est, his notis deprehenditur, Sudor uniuersum corpus occupat, praecipue thoracem, lingua crassior fit. Sputum uel salsa uel amara, uel biliosam. Latera, scapulas q̃, dolor sine occasione infestat, uigiliae, suffocationes, sitis afficiunt, animus ex somno tristior redditur, pectus, brachia q̃ refrigerantur, tremunt manus. Hos prudenter hūc in modum curare cōuenit. Vomitu quoad melius fieri potest, utendū est id q̃ post coenā nō crapulosam, sed sine medicamento. Vtiles uero sunt uomitus ante cibationē quos syrmaismos uocāt. Igit̃ qui sic uomere uoluerit, radículas tenues, nasturciū, erucā, sinapi, portulacam manducet, mox sumpta tepida aqua euomat. Hæc uero signa paruipendentibus, huiuscemōi solent superuenire morbi, Pleuritis, peripneumonia, melancholia, febres acutæ, phrenitis, lethargus, ardor cū singultu. Vbi aliquid uentrē læsurū est, his notis praescire licet. In primis uenter cōuoluit atq̃ in semetipso turbat̃, cibi po-



PAULI AEGINETAE.

tus q̄ amari uident̄, genuū gratitas, lumborū rigor ita ut flecti nō possit, totius corporis fatigatio, atq; sine occasione crurū torpor, febriculæ nō uehemētes. Cū hæc uideris p̄sagia, uentrē remollire oportet, nō medicamētis, sed uictu, tutius enī est, uti ijs quibus nullus error accedere pōt, ut sunt beta ex mulso elixa, allia cocta, malua, Rumex, mercurialis, & q̄cūq; melle cōdita sūt. Hæc enī oīa aluū subducūt. At ubi signorū aliquod magis intendit̄, cnei liquamē oībus decoctis miscendum est, quippe quæ & grata & tuta est. Leuis quoq; brassicæ ex multa aqua coctæ succus, quatuor ferē hāminarū mensura potui datus cum melle & sale haud inutilis est. Atq; si quis ieiunus aquam potauerit, in qua uel cicer, uel eruū fuerit decoctum, idem consequetur. Qui uero p̄ dicta signa neglexerit, hos morbos timeat, uentris fluorem, dysenteriam, intestinorum leuitatem, uoluulū coxendicē, febrem tertianam, podagram, apoplexiam, hæmoroides, articularium morbum. Vesicæ affectiones præuidentur, si exiguo sumpto cibo quis imple-



# P R A E C E P T A

ri uidetur, si sint flatus, ructus, pallor toti  
us corporis, somni graues, urinæ liuidæ  
difficulter effluētes, pudendorum tumo  
res. Quibus notis apparentibus, occur=  
rendum est quā tutissime medicamentis  
odoratis urinam cientibus. Itaq; foenicu=  
li apij q; radices in vino albo odorato ma  
cerare, atque duos cyathos mane ieiuno  
singulis diebus propinare congruit, item  
pastinacæ, uel mirrhæ, uel helenij aquam  
quodcuncq; horum habueris, nam omnia  
profunt, cicerum quoq; maceratorum a=  
quam, similiter cum vino bibere, non alie  
num est. Hæc autem signa negligenter  
prætereūtes huiuscemodi morbos time  
ant, aquam inter cutē, lienis magnitudi  
nem, iecinoris dolorem, calculum, renū  
affectiones, urinæ stillicidium, uentriculi  
plenitudinem. In omnibus uero iā pro  
positis signis, infantes quidem clemen  
tiori, adulti uero efficaciori curatione tra  
ctandi sunt. Neq; uero anni solsticia,  
in quibus omnia contingere solent, silen  
tio præteribimus, sed quibus in quoq; ali  
mentis utendū sit paucis perstringemus.  
Solsticiū hyemale. Igitur a bruma



PAULI AEGINETAE.

usq; ad uernū equiuoetium, grauedines  
destillationes q; atq; humiditates in ho-  
minibus augentur, idcirco calidiora ali-  
menta ingerere oportet diligentius me-  
racius q;, atq; ab origano bibere, ac uene-  
ri quoq; indulgere. Numerantur usq; ad  
equiuoetium dies nonaginta.

Equiuoetium uernum. Hoc tempore  
augetur in hominibus pītuita, ac dulcis sa-  
nies sanguinis ad uergiliarum usq; ortū,  
quare tum succocissima, acriā q; adhiben-  
da sunt, exercendū est corpus, ac uenus-  
tum innocua esse creditur. Sunt uero ad  
uergiliarum exortum dies sex & quadra-  
ginta.

Vergiliarū exortus. Hoc tempus au-  
get in hominibus bilem amaram, atq; sa-  
nies amaras ad aestiūm usq; solsticiū,  
tum dulciā quæ alium ducant adhibe, &  
concupitūm quoad poteris fuge. Nume-  
rantur ad solsticiū aestiūm dies quin-  
& quadraginta.

Solsticiū aestiū. Hoc tempore cre-  
scit in hominibus atra bilis ad æquiuoeti-  
um usq; autumnale. Igitur aqua frigida,  
atq; odoratis omnibus uti, ac concupitū



## PR AECEPTA

fugere oportet, aut innocētius saltem ea  
quæ de ipso præscripta sunt admittere.  
Sunt ad equinoctiū autumnale dies tres  
& nonaginta.

Equinoctium autumnale. Hoc tem-  
pus pituitæ abundantiam facit in homini-  
bus, & tenues fluxiones, donec uergiliæ  
occidant. Itaq; fluxiones sistere, atq; acer-  
rima, et maxime succosa ingerere, nequa-  
q; uomere, exercitari, atq; uenerem fuge-  
re conuenit. Sunt ad uergiliarum occa-  
sum dies sex & quadraginta.

Vergiliarum occasus. Hoc tempore  
abundat in hominibus pituita ad brumā  
usq; quare acerbissima quæq; tum exhi-  
benda sunt, uinum suaue bibendum. Pin-  
guibus uti, atq; exercitari congruū  
est. Numerantur usq; ad solsti-  
cium hyemale dies quinque  
& quadraginta.

## F I N I S.



ERASMVS ROTERODAMVS

D. Henrico Afinio Ly

rano insigni Medico

S. D.

**N**Vper dum bibliothecam recenseo  
doctissime Afini, uenit in manus  
oratio quædam olim mihi nihil nõ expe-  
rienti, in laudẽ artis medicæ declamata,  
continuo uisum est orationem non opti-  
mam optimo dicare medico, ut uel tui no-  
minis lenocinio studiosorũ centurijs cõ-  
mendetur. Erit hoc interim mei in-  
te animi qualecunq; documen-  
tum, dum dabitur aliud no-  
stra necessitudine digni-  
us. Bene uale, Louanij  
terio Idus Martias.

Anno M. D.

XVIII.



# DECLAMATIO

ERASMI ROTERODAMI  
in laudem artis Medicæ.

Attentio.



Propositio

VO SÆPIVS EST  
ars medicinæ, meditatis  
& elaboratis orationibus,  
hoc ex loco, apud plerosq;  
uestrum prædicata, id' q; à  
uiris singulari facundia præ-  
ditis, auditores celeberrimi, hoc mihi sa-  
nè est fiduciæ, me uel tantæ rei, uel auriũ  
uestrarum expectationi satisfacturum.  
Neq; enim rem propè diuinam nostra  
facile assequetur infantia, neq; uulgaris  
oratio de re toties audita tædium possit  
effugere. Veruntamen ne salutari maio-  
rum instituto uidear deesse, qui solenni  
encomio iuuentutis animos ad huius præ-  
claræ scientiæ studium, admirationem,  
amorem, excitandos, accendendos, inflā-  
mandos q; censuerunt, experiar & ipse  
pro mea uirili (siquidem me dicentem ad-  
iutabit uestra tum attentio, tum humani-  
tas, fauore candido prosequentes, quem  
ad hoc



DE LAVDE MEDICINAE.

ad hoc muneris uestra adegit antoritas) medicæ facultatis dignitatem, autoritatē usum, necessitatem nō dicam explicare, quod prorsus infiniti fuerit negocij, sed summatim modo perstringere, ac ueluti confertissimas locupletissimæ cuiuspiam reginæ opes, per transennam (ut aiunt) studiosorum exhibere conspectibus. Cuius quidem ea uel præcipue laus est. Primum quod nullis omnino præconijs indiget, ipsa abunde per se uel utilitate, uel necessitate commedata mortalibus. Deinde quod toties iam à tã præclaris ingenijs prædicata, semper tamen nouam laudem suarum materiam, ingenijs etiam parum fœcundis ex sese suppeditat, ut nihil necesse sit, eam uulgate more inuidiosis illis contentionibus, non sine cæterarum disciplinarū contumelia deprædicare. Quin illud magis mettuendū, ne domesticas illius dotes, ne germanā ac natiuam amplitudinē, ne maiestatem humanam conditione maiorem, mortalis oratio nō assequatur. Tantum abest, ut uel aliena contumelia, uel asciticis Rhetorum fuscis, aut amplificationum præstigijs sit at

Laudan-  
di ratio p  
compara  
tionem.



D. ERASMI ROT. DECLAMAT.

ἰνὸς

Dignitas

et auctori

tas medici

nae.

Inuentio

artis.

*Apollo  
Aesculapius.*

*Asclepiades.*

Torquet

exemplū

in suum

cōmodū.

A diffi-

cultate.

tollenda. Mediocriū est formarū, defor-  
miorū comparatione, aut cultus lenocia-  
nijs cōmendari. Res per se uere q̃ prae-  
claras, satis est uel nudas oculis ostendis  
se. Iam primū enim (ut ad rē festinemus)  
reliquae artes, quoniā nulla nō magnam  
aliquā uitae commoditatē attulit, summo  
quidē in precio fuere. Verum medicinae  
quondā tam admirabilis fuit, humano ge-  
neri inuentio, tam dulcis experientia, ut  
eius autores, aut planē p̃ dijs habitī sint,  
uelut Apollo, & huius filius Aesculapi-  
us, imo (quod ait Plinius) singula quosdā  
inuenta deorū numero addiderunt, aut  
certe diuinis honoribus digni sint existi-  
mati, uelut Asclepiades, quē Illyrici nu-  
minis instar receptū, Herculi in honori-  
bus æquarunt. Non equidē probo quod  
fecit antiquitas, affectum sanē ac iudiciū  
laudo, quippe quae recte & senserit et de-  
clararit, docto fido q̃ medico nullum sa-  
tis dignum præmium persolui posse. Ete-  
nim si quis secum reputet, q̃ multiplex  
in corporibus humanis diuersitas, quan-  
ta ex ætatibus, sexu, regionibus, cœlo, e-  
ducatione, studijs, usu uarietas, quā infir-



# DE LAVDE MEDICINAE.

nita in tot milibus herbarum (ne quid in- *Infinite herbe.*  
 terim dicam de cæteris remedijs) quæ ali  
 bi aliæ nascuntur, discrimina. Tum quot  
 sint morborum genera, quæ trecenta no- *Trecenta morbo-  
 rum genera.*  
 minatim fuisse prodita scribit Plinius, ex  
 ceptis generũ partibus, quarũ omniũ q̃  
 nullus sit numerus, facile perpendet, qui *Generũ parus  
 sine numero.*  
 tantum norit, quot formas in se febris vo-  
 cabulum complectatur, ut ex uno cætera  
 æstiment, exceptis his, qui quotidie no-  
 ui accrescunt, neq; secus accrescunt, quã  
 si de composito cum arte nostra bellum  
 suscepisse uideantur. Exceptis ueneno- *Longum Veneno  
 rum plus mille periculis, quorũ quot spe hyperba-  
 cles sunt, tot sunt mortis genera, totidẽ ton.  
 remediorum differentias flagitantia, Ex  
 ceptis casibus quotidianis lapsuũ, ruina- *Casus Quotidia-  
 rũ, ruptionũ, adustionũ, luxationũ, uulne-  
 rũ, atq; his cõsimiliũ, quæ prope cũ ipso  
 morborũ agmine ex æquo certat. Deni-  
 q; qui cogitet, quanta sit in corporũ coele *Corporũ Celestium  
 stiũ obseruatione difficultas, quæ nisi co-  
 gnoris, sæpenumero uenenũ erit, qd̃ in  
 remediũ dat. Ne quid interĩ cõmemorẽ,  
 sæpe fallaces morborũ notas, siue colo- *Fallaces morbo-  
 ris habitũ spectes, siue lotij signa rimeris****



D. ERASMI ROT. DECLAMAT.

siue pulsus harmoniam obserues, uelut  
hoc agentibus malis, ut hostem medicū  
fallant & imponant. Tantum undiq; sese  
offundit difficultatum, ut mihi difficile sit  
omnes, uel oratione prosequi, Sed ut di-  
cere cœperā, has omnes rerū uarietates  
studio persequi, obscuritates ingenio as-  
sequi, difficultates industria peruincere,  
ac penetratis terræ fibrīs, excussis undiq;  
totius naturæ arcanis, ex omībus herbis,  
fruticibus, arboribus, animātibus, gēmis  
ex ipsis deniq; uenenis, cunctis humanæ  
uitæ malis efficacia quærere, atq; horum  
opportunū usum ex tot autoribus, tot di-  
sciplinis, imo & ab istis syderibus petere  
Hæc inquā, tam abdita rimari cura, tam  
ardua uiribus animi adipisci, tam multa  
memoria complecti, tam necessaria ad sa-  
lutem uniuersi mortalium generis in cō-  
mune proferre, nonne prorsus homine  
maius ac plane diuinum quiddam fuisse  
uidetur? Absit inuidia uerbis. Liceat id  
quod uero uerius est ingenue prædicare.  
Non me iacto, sed artem ipsam effero.  
Etenim si dare uitam proprium dei mu-  
nus est, certe datam tueri, iam q; fugiens

Diuina  
res medi-  
cina.  
Laus ab  
effectu.



## DE LAVDE MEDICINAE.

tem retinere, deo proximū fateamur oportet, Quamquam ne prius quidē illud, quod nos soli deo propriū esse uolumus medicorū arti detraxit antiquitas, ut cre- *Ars medi*  
dula, ita gratissima. Nam Aesculapij qui- *corū &*  
dem ope Tyndaridam, & post eum cō- *mortuos*  
plures ab Orco in lucem redisse credidit *excitare*  
Asclepiades hominem exanimatum, ela *credita ē*  
tum, comploratum, q̄ ab rogo domum ui-  
uum reduxisse legit̃. Xanthus historicus  
catulum Leonis occisum, præterea & ho-  
minem, quē Draco occiderat, uitæ reddi-  
tum fuisse, posteris prodidit, herba quam  
halin nominant. Ad hæc Iuba, in Africa  
quendam herba reuocatum ad uitam, te-  
stis est. Neq̄ uero laborauerim, si sint a-  
pud quos hæc fide careant. Certe (quod  
agimus) admirationem artis tanto ma-  
gis implent, quanto magis supra fidem  
ueri sunt, & immensum esse fateri cogūt  
id quod uero supersit. Quamquam quan-  
tum ad eum attinet, qui uitæ reddīt, quid  
refert utrum anima denuo in artus reli-  
ctos diuinitus reponatur, an penitus in  
corpore sepulta, morbi q̄ uictoris op-  
pressa uiribus, arte curā q̄ medici fuscite



D. ERASMI ROT. DECLAMAT.

tor atque eliciatur, iam q̄ certo migratur  
ra retineat? An nō penē paria sunt mōr-  
tuum restituere, & mox morituum ser-  
uare? Atqui permultos nominatim recē-  
set Plinius libro historiæ mundanæ septi-  
mo, qui iam elati partim in ipso rogo, par-  
tim post dies complusculos reuixerint.  
Miraculum est, quod paucis dedit casus.  
Et non magis mirandum, quod quotidie  
multis largit̄ ars nostra? Etiam si hāc deo  
Opt. Max. debemus, cui uihil non debe-  
mus, ne quis hāc à me putet arrogantis-  
us dicta, q̄ uerius. Complurium morbo-  
rum ea uis est, ut certa mors sit, nisi præ-  
sens adsit medicus, ueluti stupor is, qui  
mulieribus potissimum solet accidere,  
ueluti syncopis profunda, paralyfis, apo-  
plexia. Neq̄ desūt ulli uel seculo, uel gē-  
ti sua in hanc rē exempla. Hic qui mortē  
ingruentem arte sua depellit, qui uitā su-  
bito oppressam reuocat, nonne ceu nu-  
men quoddā dextrū ac propiciū sem-  
per habendus est? Quot censes homines  
ante diem sepultos fuisse priusq̄ medico-  
rum solertia, morborū uires, & remedio-  
rum naturas deprehenderat? Quod ho-



DE LAVDE MEDICINAE.

die mortalium milia uiuunt, ualent q̄, qui *Initiū ui-*  
 ne nati quidem essent, nisi eadē hāc ars, *te medi-*  
 & tot nascendi discriminibus remedia, *cis debe-*  
 & obstetricandi rationem reperisset. A- *tur.*  
 deo statim in ipso uitæ limine, & pari-  
 ens simul & nascens, salutarem medico-  
 rum opem, miserabili uoce implorat. Ho-  
 rum arti uitam debet, & qui nondū uitā  
 accepit, dum per eam prohibentur abor-  
 sus, dum mulieri seminis recipiendi reti-  
 nendi q̄ uis confertur, dum pariendi fa-  
 cultas datur. Quod si uere dictū est illud *παροῦσία*  
 Deus est iuuare mortalem, p̄fecto mea  
 sententia aut nusq̄ locum habebit illud  
 nobile Græcorum adagium *ἀνέγωπτος ἀν-*  
*θρώπος δαίμόνιον*, aut in medico fido probō q̄  
 locum habebit, qui non iuuat modo uerū  
 etiam seruat. An non igitur ingrati-  
 tudine ipsa uideatur ingrator, ac ipse propē  
 uita indignus, qui medicinam alteram se-  
 cundum deum, uitæ parentem, tutricem,  
 seruatricem, uindicem non amet, nō ho-  
 noret, non suspiciat, non ueneretur. Cu- *Abutilita-*  
 ius præsidijs nūq̄ ulli non est opus. Nā *te ppetua.*  
 reliquis quidem artibus, nec semper nec  
 omnes egemus. Huius utilitate mortaliū



D. ERASMI ROT. DECLAMAT.

omnis uita constat. Nam fac abesse mor-  
bos, fac omnibus prosperam adesse uale-  
tudinem, tamen hanc qui poterimus tue-  
ri, nisi medicus ciborum salutariū, ac no-  
xiorum discrimen, nisi totius uictus, quā  
Græci dietam uocant, rationem doceat?

*Seneſtam* Graue mortalibus est onus ſeneſta, quā  
*remora* non magis licet effugere, q̃ mortem ip-  
*tur ars me* ſam. Atq̃ ea medicorū opera multis con-  
*dicorum.* tingit, tum ſerius, tum multo etiam leui-  
or. Neq̃ enim fabula eſt, quinta, quā uo-  
cant, eſſentia, ſenio depulſo hominē ue-  
lut abiecto extuio, reiuueſcere, cū ex-

*Totū ho-* tent aliquot huius rei teſtes. Neque uero  
*minem cu* corporis tantū, quæ uilior hominis pars  
*rat medi-* eſt, curam gerit, imo totius hominis curā  
*cus.* agit, etiamſi Theologus ab animo, medi-  
cus a corpore ſumet initium. Siquidem  
propter arctiſſimam amborū intet ſe co-  
gnationem & copulam, ut animi uitia re-  
dundant in corpus, ita uiciſſim corporis  
morbi animæ uigorem aut impediūt, aut  
etiam extingunt. Quis æque pertinax  
ſuaſor abſtinentiæ, ſobrietatis, moderan-  
dæ iræ, fugiendæ triſtitiæ, uitandæ crapu-  
læ, amoris abijciēdi, temperandæ Vene-



DE LAVDE MEDICINAE.

ris, atq; medicus? Quis efficacius suadet  
 ægroto, ut si uiuere uelit, & salutarem ex  
 periri medici opem, prius aīm à uitiorū  
 colluuiē repurget? Idem quoties uel die  
 terica ratione, uel ope pharmaceutica bi  
 lem atram minuit, labantes cordis uires  
 reficit, cerebri spiritus fulcit, mentis orga  
 na purgat, ingenium emēdat, memoriæ  
 domiciliū farcit, totumq; animi habitū  
 commutat in melius, nonne per exteriorē  
 rem, ut uocant, hominem, & interiorem  
 seruat? Qui phreneticum, lethargicū, ma  
 niacum, syderatum, lymphatum restituit  
 nonne totum restituit hominem? Theo  
 logus efficit ut hoīes à uitijis resipiscant,  
 at medicus efficit, ut sit qui possit resipi  
 scere. Frustra ille medicus sit animæ, si iā  
 fugerit anima, cui paratur antidotus. Cū  
 impium hominem subito corripuit para  
 lysis, apoplexia, aut alia quædam præ  
 sentanea pestis, quæ uitam prius adimat,  
 quā uacet de castigāda cogitare uita, hūc  
 qui restituit, alioquin infelicitē in suis  
 sceleribus sepeliendum, nonne quodam  
 modo tum corpus, tum animum ab infe  
 ris reuocat? In eum certe locum reponit



D. ERASMI ROT. DECLAMAT.

hominē, ut ei in manu iam sit, si uelit æternam mortem fugere. Quid suadebit lethargico Theologus, qui suadentem nō audiat? Quid mouebit phreneticum, nisi medicus prius atrā bilē repurgarit? Pietas cætera' q̃ uirtutes, quibus Christiana constat felicitas, ab animo potissimū pēdent, haud inficior, Cæterū quoniam is corpori illigatus, corporeis organis uelit nolit uti, sit ut bona pars bonæ mentis a corporis habitu pendeat. Per multos ho-

Temperaturam corporis emendat medicus.

mines infelix corporis temperatura, quā Græci modo κῆῶν modo οὐσῆμα uocant, uelut inuitos ac reclamantes, ad peccandum pertrahit, dum animus in seffor frustra moderat habenas, frustra subdit calcaria, sed equū ferocientē in p̃cipitiū se-

A simili.

qui cogitur. Animus uidet, animus audit sed si oculos occuparit glaucoma, si aurium meatus crassus humor obsederit, frustra uim suā habet animus. Odit animus, irascitur animus, at uitiosus humor mentis organa obsidens in causa est, ut oderis, quem amore dignum iudices, irasce-  
ris cui nolis irasci. Philosophiæ summam in hoc sitam esse fatetur Plato. Si rationi

Plato.



DE LAVDE MEDICINAE.

pareant affectus, atq; ad eam rem præci-  
puus est adiutor medicus, hoc agens, ut  
ea pars hominis uigeat sapiatq; cuius ar-  
bitrio geruntur, quæcunq; cum laude ge-  
runtur. Si hominis uocabulo censent in-  
digni, qui pecudum ritu rapiuntur cupi-  
ditatibus, huius nominis dignitatem bo-  
na ex parte debemus medicis. Id cū ma-  
ximum sit in singulis ac priuatis, quanto *Principi-  
bus maxi-*  
præclarius est beneficium, cū id præsta- *me neces-*  
tur in principe? Nulla fortuna magis est *sarius me-*  
obnoxia malis huiusmodi, quā felicissi- *dicus.*  
morum regum, Quos autem rerū tumul-  
tus ciet unius hominuli uitiatū cerebrū?  
Frustra reclamant qui sunt à consilijs,  
furis o princeps, ad te redi, ni medicus ar-  
te sua neq; uolenti, neq; sentienti suā mē-  
tem reddiderit, Si Caligulæ fidus adfuisset *Ab exem-*  
medicus, nō usq; ad pugionū ac uene- *plo.*  
norū scrinia in perniciem humani gene-  
ris insanisset. Atq; ob eam sane causam  
publica consuetudine receptū est apud  
omnes orbis nationes, ne princeps usq;  
gentium agat absque medicis. Proinde *Honos ha-*  
cordati principes, nulli unquam arti plus *bitus medi-*  
honoris habuerunt, quam medicinæ, *cine.*



D. ERASMI ROT. DECLAMAT.

Quādoquidem Erasistratus (ut reliquos  
taceam) Aristotelis ex filia nepos, ob An-  
tiochum regem sanatum, centum talen-  
tis donatus est à Ptolemæo huius filio.  
*Honora* Quin & diuinæ literæ iubent medico su-  
*medicum.* um haberi honorem, non tantum ob uti-  
litatem, uerum etiam ob necessitatem, ut  
in cæteros benemeritos ingratitude, sit  
in medicum impietas, quippe qui tanquā  
beneficij diuini adiutor, id arte sua tuet,  
quod optimum nobis & charissimū lar-  
gitus est deus, uidelicet uitam. Parenti-  
*A simili-* bus nihil non debemus, quod per hos uita-  
*bus.* tæ munus accepisse quodammodo uide-  
mur. Plus mea sententia debetur medi-  
co, cui toties debemus, quod parentibus  
semel duntaxat debemus, si tamē illis de-  
bemus. Pietatem debemus his, qui hostē  
à ceruicibus depulit, & medico non ma-  
gis debemus, qui pro nobis seruandis cū  
tot capitalibus uitæ hostibus quotidie de-  
pugnat? Reges ceu deos suspicimus,  
quia uitæ, necis q̃ ius habere creduntur,  
qui tamen ut possint occidere, certe uitā  
non aliter dare possunt, nisi quatenus  
nō eripiunt, quemadmodum seruare di-



DE LAVDE MEDICINAE.

euntur latrones, si quem non iugulent, nec aliam tamen uitam dare possunt, q̃ corporis. At quanto propius ad diuinam benignitatem accedit medici beneficiũ. Hominem iam inferis destinatum arte, ingenio, cura, fide q̃ sua, uelut ex ipsis mortis faucibus retrahentis? Alijs in rebus profuisse sit officium, cæterum in certo corporis animi q̃ periculo seruasse, plusq̃ pietas est. Adde his qd̃ quicquid in homine magnum est, eruditio, uirtus, naturæ dotes, aut si quid aliud, id omne medicorum arti acceptum feramus oportet, quatenus id seruat, sine quo ne reliqua quidem queant subsistere. Si omnia propter hominem, & hominẽ ipsum seruat medicus, nimirũ oĩm noĩe gratia debet medico. Si nõ triuit, qui morbis obnoxius, & uitam salubrem aut reddit aut tuetur medicus, an non conuenit hunc ceu uitæ parentem agnoscere? Si res exoptanda est immortalitas, hanc medicorum industria, quoad licet meditatur, quæ uitã in longum prorogat. Quid enim hic notissima referam exempla, Pythagoram, Chrysippum, Platonem, Catonem cens

Sanitatis  
custos me  
dicus.

Exempla



D. ERASMI ROT. DECLAMAT.

forium, Antonium, Castorem, cū q̃ his  
 innumerabiles, quorū pleriq̃ medicinæ  
 obseruatione, uitā ab omni morbo liberā  
 neq̃ fatifcente ingenij uigore, neq̃ con-  
 cussa memoriæ soliditate, neq̃ fractis aut  
 labetactatis sensibus, ultra centesimum  
 annum prorogarunt? An non istuc est  
 immortalitatis, quā speramus, hic iam  
 Christus nunc imaginem quandā exhibere? Chri-  
 stus ipse immortalitatis autor ac uindex  
 non egro-  
 munit, unicus corpus assumpsit, mortale quidē  
 illud, sed tamen nullis morbis obnoxiiū.  
 Crucē non horruit, morbos horruit. An  
 non pulcherrimū fuerit, nos principē no-  
 strū in hoc quoq̃ pro uiribus imitari? A-  
 postolos, quorū nemo ferē nō multā uix-  
 it ætatē, cæsos legimus, interfectos le-  
 gimus, ægrotasse non legimus. Quocun-  
 q̃ pacto hoc illis cōtigat, certe p̃stat idem  
 ars medicorū, quod illis præstitit sua feli-  
 citas. Nec enī audiendos arbitror, qui no-  
 bis nō minus indocte, q̃ imprudenter so-  
 lent illud obijcere. Virtus in infirmitate  
 perficit̃, somniantes Paulū grati capitis  
 dolori fuisse obnoxiiū, cū ille infirmitatē  
 uel animi tentationē, uel quod tūro pro

Cōfutatio



DE LAVDE MEDICINAE.

pius est, improborū hominū molestā in-  
fectionē appellet. Atq; idē Paulus, in-  
ter apostolicas dotes, donū curationis re-  
censuit. Iam auget & illud non leui argurationis.  
Donum cu-  
mento medicinæ gloriā, quod & Cæsare  
arū legum maiestas, & pontificiarum au-  
toritas sese ultro medicorum iudicio sub-  
mittit, uelut in quæstionibus pubertatū,  
partuū ac ueneficiorū. Itē in q̄stionibus  
aliquot ad matrimoniū faciētibus. O no-  
ua dignitas medicinæ. Agit de capite ho-  
minis, & iudicis sententia pendet ex me-  
dici p̄iudicio. Summi pontificis pietas, si  
quid indulget, in nonnullis non aliter in-  
dulget, nisi medicorum accedat calculus  
Atq; in decretis Rhomanus pōtifex, epi-  
scopum eū qui delatus fuerat, tanq; foedo  
immani q; morbo obnoxius, ex medicæ  
rei iudicio censet aut amouendū episco-  
patu, aut suo loco restituendum. Dicitur  
item Augustinus ex medicorū consilio fi-  
eri iubet, quod faciendum est, etiamsi no-  
lit ægrotus. Idem honorē medico debitū  
hoc est artis & industriæ præmiū, recte  
eripi scribit ab eo qui detinet, uelut ab in-  
iusto possessore, et quod alienū est mala



D. ERASMI ROT. DECLAMAT.

fide occupante. Quin ij quoq; , qui conce-  
ptis precaminibus , dæmones impios e  
corporibus humanis exigunt , non raro  
in consilium adhibent , uelut in his mor-  
bis , qui secretis rationibus , quædam sen-  
sum organa spiritus q; uitiunt , & adeo  
dæmoniacam speciem imitantur , ut nisi  
a peritissimis medicis discerni non que-  
ant , siue sunt crassiores aliqui dæmones ,  
ut fertur illorum uaria natura , qui medi-  
cam etiam opem sentiant , siue morbus  
adeo penitus intimis animi recessibus in-  
fidet , ut a corpore uideat alienus. In cu-  
ius rei fidem , dum ex innumeris mihi cō-  
*Exemplū* pertum exemplum refero , quæso ut me  
patienter audiatis. Panaceum celeberr-  
mi nominis medicum adolescens colui ,  
is me teste quendā restituit , nomie Phly-  
arium , patria Spoletanum , qui ex uermi-  
bus in nouum mania genus inciderat ,  
ita ut in morbo probe teutonice loquere-  
tur , quod (uti constabat) sanus nunq; po-  
tuerat. Quis imperitus rei medicae , non  
hunc dæmoniacum uel deierasset etiam.  
At is hominem facili parato q; remedio  
menti reddidit. Redditus sibi , teutonice  
nec



DE LAVDE MEDICINAE.

nec loquebatur, nec intelligebat. Quod Detor  
si quis hunc uere dæmoniacum fuisse cōquet.  
tendat, ea sanè res uel maxime medico-  
rum illustrat artem, cui compertum est, et  
dæmones impios parere, quemadmodū  
in restituēda uita, ita & in exigendis spiri-  
tibus diuinæ uirtutis tum ministræ, tum  
æmulæ. Neque uero deerant, qui factum  
hoc magicis artibus tribuebant, quorum  
ego calumniam arti nostræ gloriæ lau-  
di q̄ uerto, per quam ea præstantur, quæ  
uulgus hominum humanis uiribus præ-  
stari posse non credit. Optimo igitur iu-  
re, priscis seculis, cum nondum sordidi  
quæstus & spurcæ uoluprates uitiaffent  
omnia, medendi ars inter omnes una, di-  
uinis ac summatibus uiris, opulentissimis  
regibus, clarissimis senatoribus præcipue  
cordi fuit, nec alia mortalium generi gra-  
tior. Siquidem Moses ille magnus, non  
alia ratione, quam artis medicæ, cibos su-  
os distinxisse creditur. Orpheus Græco  
rum uetustissimus, de uiribus herbarum  
nonnulla prodidisse legitur. Homerus  
ipse, citra controuersiam, unicus ingenio

Quibus  
cultame-  
dicina.

Moses.

Orpheus.

Homerus.

k



D. ERASMI ROT. DECLAMAT.

rum fons, plurimus est & in herbarū cō-  
memoratione, & in laude medicorum. Is

**Moly.** & Moly nobis depinxit, herbarū omniū  
(teste Plinio) laudatissimam, efficacē ad-  
uersus ueneficia, Cuius inuentionē Mer-  
curio tribuit, hac Vlyssēm suum aduer-

**Nepēthes** sus Circes pocula præmuniens. Idem ne-  
penthēs indicat in couiuijs adhibendum,  
quod mœrorem tristitiā q̄ discutiāt. Por-  
tò Machaonem, Pæonem, Chironē, Po-

**Machaon.** dalirium, ut hac arte præstantes, sæpicule

**Pæon.** non sine honore commemorat, quorum

**Chiron.** arte non solum heroibus, uerum ipsis eti-  
am dñs subuentū esse fingit. Illud uideli-  
cet subindicans, summis etiam principi-  
bus medicorum præsidjs opus esse. At-  
q̄ horū uitam medicis in manu esse, qui  
in cæteros omneis ius uitæ ac necis habe-  
re uident. Quid quod idē Poeta libro Ili-

ados undecimo, huius artis professionē  
longe pulcherrimo nobilitauit elogio?

cū ait: Vnum medicum pluris habendū,

ἰατροῦ

πλὴν ἑνὸς

πολλῶν ἄν

τάξιος ἄλ

λόν

q̄ cæterorum hominū permultos. Rur-  
sum alibi, medicum ita notat, ut dicat eū  
eruditum in omnibus, palam testans id



DE LAVDE MEDICINAE.

quod res est, hanc artem non una aut al-  
tera disciplina, sed omniū artium cogni-  
tione circulo q̄ tum præter exactum in-  
genium, multo etiam rerum usu constas-  
re. Pythagoras ille Samius, cui diuinitas  
tem quandā tribuebat antiquitas, de na-  
turis herbarum nobile uolumen reliquis-  
se legitur. Atq; ut Platonem, Aristotelē,  
Theophrastū, Chrysippū, Catonem cē-  
sorium, Varronem prætereā, quibus stu-  
dio fuit hanc artem suis uel studijs, uel ne-  
gocijs admiscere, Mithridaten Pontire-  
gem, nō perinde regnū, alioqui locuple-  
tissimum, nō tam unius & uiginti liugua-  
rum miraculum, quā rei medicæ peritia  
nobilitauit, uerē q̄ magnū uirum declara-  
uit, qui artis huius cōmentatiōes, & exē-  
plaria, effectus q̄ in arcānis reliquit, ut  
autor est Plinius. Cuius & hodie nobile  
Theriaca genus nomīe celebratur. Nūc  
ferē regium habetur, aleam ludere, uena-  
ri, nugas agere. At olīm populi Rhoma-  
ni principibus nihil magis erat curæ, quā  
ut ex longīquo nouis importādis herbis,  
rē medicā adiuuarēt, neq; populo illi tum

k ij



D. ERASMI ROT. DECLAMAT.

orbis domino non aliud erat munus gra-  
tius. Quid quod Christus ipse discipli-  
narum omnium & autor & princeps, se-  
se non Iureconsultum, non Rhetorem,  
non Philosophum, sed medicum profes-  
sus est, dum de se loquens, negat opus es-  
se medico ihs, qui bene habeant, dum Sa-  
maritanus vulneribus oleum ac uinum  
infundit, dum sputum terræ mixtum illi-  
nit oculos cæci. Quid quod idem, hac po-  
tissimum commendatione, cum adhuc or-  
bi esset ignotus, sese paulatim in animos  
atque affectus hominum insinuauit, non  
auro, non imperiis, sed morborum reme-  
diis. Quod ille nutu fecit, nēpe deus, hoc  
medicus pro uirili sua cura imitatur. Ne-  
que deest his quoque diuina uis, nimirum  
medendi uiribus in hunc usum rebus à  
deo inditis. Nec alio uiatiko magis instru-  
xit Apostolos, mandans ut hoc protinus  
officio sibi deuincirent hospitem, meden-  
tes inquit, morbis illorum, & ungentes  
oleo. Paulus ille magnus dum Timo-  
theo suo modicum uini præscribit usum,  
ad fulciendam stomachi imbecillitatem,

Christus  
ipse medi-  
cus.

Paulus  
medicus.



DE LAVDE MEDICINAE.

nōne palam medici partibus utitur? Sed  
 quid hoc mirum in Apostolo, cum Ra=  
 phael angelus Tobiae cæcitati medicans *Raphael.*  
 hinc nomen etiā inuenerit apud arca=  
 narū rerum studiosos? O coelestem uerē  
 q̃ sacram disciplinam, cuius cognomen=  
 to diuæ illæ mentes insigniuntur. Inter  
 mortales aliꝫ alias artes uel discunt, uel p=  
 fitentur, hanc unam oportebat ab omni=  
 bus disci, quæ nulli nō est necessaria. Sed  
 o heu peruersissima hominū iudicia. Ne=  
 mo nescire sustinet, quis nummus legit=  
 timus sit, quis adulterinus, ne quid falla=  
 tur in re uilissima, nec scire studio est, qui  
 bus modis id quod habet optimum, tuea=  
 tur. In numismate non credit alienis ocu=  
 lis, in negotio uitæ ac sanitatis, clausis  
 quod dicitur oculis, sequitur alienum iu=  
 dicium. Quod si totius artis absoluta co=  
 gnitio nō potest nisi paucis contingere,  
 qui totam uitam huic uni studio dedica=  
 runt, certe partem eam, quæ ad tuendam  
 ualeitudinem pertinet, non conueniebat  
 quenquam nescire. Etiam si bona pars  
 difficultatis, nō ab ipsa arte, sed ad impro=  
 k iij



D. ERASMI ROT. DECLAMAT.

*Asimili.* borum medicorum uel inscitia, uel ambitione proficiscatur. Semper apud efferas etiam ac barbaras nationes sanctum ac uenerabile fuit amicitiae nomen. Atque is egregius habetur amicus, qui se fortunae utriusque comitem sociumque praebet, quod uulgus amicorum uelut hirundines aestate, rebus secundis adsunt, rebus aduersis, quemadmodum illae ingruente bruma deuolant. At quanto syncerior amicus medicus, qui Seleucidum auium exemplo, quas narrant nusquam à Casij montis incolis conspici, nisi cum illarum praesidio est opus, aduersus uim locustarum fruges uastantium, rebus integris ac laetis nusquam sese ingerit in periculis, in his casibus, in quibus uxor ac liberi saepe deserunt hominem, uelut in phrenesi, phthiriasi, in peste solus medicus constanter adest, & adest non inutili officio, quemadmodum plerique ceterorum, sed adest opitulaturus, adest pro capite periclitantis cum morbo dimicans, non nunquam suo quoque periculo. Et o plus quam ingratos, qui talis amici officio seruati, iam

*Seleuci =  
des.*



DE LAVDE MEDICINAE.

depulso periculo medicū odisse possunt,  
ac non potius parentis uice colunt ac ue  
nerant. Vulgarē amicum, qui subinde sa  
lutat obuiū, ad cœnam rogant, qui latus  
claudit, officio pensant, & talē amicū ubi  
desierint egere, auersantur? & ob hoc ip  
sum auersantur, quod intelligant illius of  
ficio nullam meritis parem gratiam re  
pendi posse. Quod si is optimus uir est,  
qui maxime pdest Reipublicæ, ars hæc  
optimo cuiq; uiro discenda est. Iam uero  
si qui sint, qui rerum precia malint utilita  
te quæstui q; metiri (licet hæc ars diuinior *A quæstu.*  
est, quā ut huiusmodi rationibus sit æsti  
manda) ne hac quidem parte cuiquam  
aliarum cedit artium. Neque enim ulla  
magis fuit frugifera, & ad rem subito pa  
randam æque præsentanea. Erasistræ  
tus cuius ante memini, à rege Ptole  
mæo, Critobolus ab Alexandro magno,  
præmijs ingentibus ac uix credendis do  
nati legunt. Quanq; quod tandē præmi  
um nō exiguū uideat, repensum seruato  
ri capitis, pro cuius unius salute tot homi  
num millia depugnabāt? Quid ego nūc



D. ERASMI ROT. DECLAMAT.

commemorem Cassios, Carpitanos, Aruncos, Albutios, quibus Rhomæ tum apud principem, tum apud populum immodicum quæstum fuisse refert Plinius. Quanquam quid nos hæc ex priscis ætatibus repetimus, quasi non hodie cuique complures succurrant, quos hæc ars ad Croesi opes et exerit. Rhetotica aut Poetica nō alit nisi insignem. Musicus ni præcellat, esurit. Iureconsulto tenuis proveniunt, ni sit eximius. Sola medicina quomodocumque doctum alit ac tuetur. Innumeris disciplinis, infinita rerum cognitione constat res medica, & tamen frequenter unum aut alterum remedium alit idiotam. Tantum abest, ut hæc ars sterilitatis damnari possit. Adde quod cæterarum artium non ubique paratus est quæstus. Rhetor frigebit apud Sarmatas. Iuris Cæsarei peritus apud Britannos. Medicum quoque terrarum sese contulerit, suus comitatur honos, suum sequitur viaticum, ut in nullam disciplinam uerius contemnat vulgatissimum illud Græcorum proverbium, τὸ τέχνην ἢ πᾶσα γῆ τέλει. Sed hoc



DE LAVDE MEDICINAE.

ipsum indignatur Plinius, aut certe apud  
hunc alij, quæstum esse medicinæ profes- *Cōfutatio*  
sionem. Maior est, fateor, hæc facultas  
quam ut quæstui lucró q̃ seruiat, sordida  
rum id est artium. Sed nimis ingratū est,  
eā solā sua fraudare gratia, cui nulla par  
gratia repēditur. Egregius medicus ceu  
numen quoddam, seruat gratis, seruat &  
inuitos. Sed impietas est, non agnoscere  
numinis beneficium. Nihil ille moratur  
mercedem, tu tamen dignus qui legibus  
mulcteris ob insignem ingratitudinem.  
Iam haudquaquam me fugit, hanc egre-  
giam artem & olim apud ueteres audisse  
male, & hodie apud indoctos quosdā ma-  
le audire. Catoni non placuit, non quod  
rē damnet, sed quod ambitiosam Græ-  
corum professionem non ferret homo  
mere Rومانus, Is' q̃ tantum tribuit ex-  
perientia, ut artem esse noluerit, sed idē  
uniuersam Græcorum philosophiam ex  
urbe pellendam censuit. Existimabat ho-  
mo durus, ad purgandum hominis cor-  
pus sufficere brassicam & crebros uomis-  
tus, & tamen ille ipse medicorum hostis



DERASMI ROT. DECLAMAT.

obseruatione medicinae, in extremam us-  
 que senectutem robur infractum tutatus  
 scribitur. Solis, inquit, medicis summa  
 occidendi impunitas est. At hoc nomine  
 magis suspiciendi boni medici, quibus cum  
 in manu sit, non solum impune, uerum  
 etiam mercede occidere, tamen seruare ma-  
 luit. Quod possunt facultatis est, quod no-  
 lunt probitatis. Decantant iam passim in-  
 ter pocula temulentorum adagiū, Qui me-  
 dice uiuit, misere uiuit. Quasi uero felici-  
 tas sit, distendi crapula, rumpi Venere,  
 turgescere ceruisia, sepeliri somno. Sed  
 istos Sycophantas quid opus est oratione  
 refellere, cum ipsi petulantiae suae satis ma-  
 gnas poenas dant arti, mox podagra con-  
 torti, paralyti stupidi, desipiscentes ante  
 tempus, caecutientes ante senectutē, iam  
 et prius uituperatae medicinae, exemplo  
 Stesichori serā canunt palinodiā miseri.  
 Et tamen his licet indignissimis, artis bo-

Ex Aristo- nitas non grauatur esse praesidio, quan-  
 phane. tum licet. Sunt qui mutuato ex uetere co-  
 mœdia scommate, uocent medicos σκατο  
 φάρμακον. Quasi uero non isto nomine, uel



DE LAVDE MEDICINAE.

præcipue landari mereantur, qui quo sub  
ueniāt hominū calamitatibus, ex illa sua  
sublimitate sese ad hæc sordida deſciant.  
Quod si medicis tantum eſſet ſupercilij,  
quantū iſtis eſt, ꝑcacitatis, liceret paſſim  
impune mori, uerū habet hoc ars noſtra  
cū bonis regibus cōmune, ut bene faciat  
ac male audiat. Quod ſi maxime ſunt, ut  
ſunt in hoc ordine, qui ſe pro medicis ge  
rūt, cū nihil minus ſint quā medici. Si ſūt  
qui ꝑ remedijs uenena miniſtrāt, ſi ſunt  
qui ob quæſtum & ambitionem ægrotis  
male conſulunt, quid iniquius eſt, quā ho  
minum uitia in artis calumniā detorque  
re? Sunt & inter ſacerdotes adulteri, in  
ter monachos homicidæ ac piratæ, ſed  
quid hoc ad religionem per ſe optimam?  
Nulla tam ſancta profeſſio eſt, quæ non  
alat ſcleratos aliquot. Votis quidē om  
nibus optandū, omnes principes eiufmo  
di eſſe, cuiufmodi decet eſſe, qui cenſean  
tur hoc digni nomine. Nec tamen ideo  
damnandus eſt principatus, quod non  
nulli ſub eo titulo prædones reiꝑꝫ publi  
cæ hoſtes agāt, Optarim & ipſe medicos



D. ERASMI ROT. DECLAMAT.

omnes uere medicos esse, nec in his lo-  
cum Græcorum prouerbio, πολλοὶ βουκένται

*Prouerbiū* παῦροι δ' ἐτὲ γινώσκοντες. Optarim ab omni-  
bus eam præstari sanctimoniam, quam  
Hippocrates sacramento uerbis solen-  
nibus concepto, à professoribus exigit.  
Neque tamen huc non enitendum est  
nobis, si id à plerisque negligi conspici-  
mus. Sed quoniam huius argumenti tan-  
ta est ubertas uiri præstantissimi, ut diffi-  
cillimum sit in eo dicendi finem inueni-  
re, ne non præstem quod initio sum pol-  
licitus, tempestiuum arbitror, uniuersas

*Epilogus* eius laudes summam complecti. Ete-  
nim si permultas res sola commendat  
antiquitas, hanc artem primam omnium  
reperit necessitas. Si scientiam autores il-  
lustrant, huius inuentio semper dijs attri-  
buita est. Si quid autoritatis addit honos,  
non alia tam passim ac tamdiu diuinos  
honores meruit. Si magni fiunt, quæ sum-  
mis uiris probantur, hæc summos reges,  
hæc primates non solum delectauit, ue-  
rum etiā illustrauit. Si difficilia quæ sunt,  
ea sunt & pulchra, nihil hac operosius,



DE LAVDE MEDICINAE.

quæ tot disciplinis, tantarum rerum per-  
uestigatione usuque constat. Si digni-  
tate rem æstimamus, quid excellentius,  
quam ad dei benignitatem proxime ac-  
cedere? Si facultate, quid potentius aut  
efficacius, quam totum hominem certo  
exitio periturum sibi posse restituere? Si  
necessitate, quid æque necessariū atque id  
sine quo nec uiuere, nec nasci licet? Si uir-  
tute, quid honestius, quæ seruare genus hu-  
manū? Si utilitate nullius usus neque maior  
est, neque latius patet. Si cōpendio, aut hæc  
in primis frugifera sit oportet, aut ingra-  
tissimi mortales. Vobis igitur magnope-  
re gratulor eximij uiri, quibus contin-  
git in hoc pulcherrimo genere professio-  
nis excellere. Vos adhortor optimi iuue-  
nes, hanc toto pectore complectimini, in  
hanc neruis omnibus incumbite, quæ uo-  
bis decus, gloriam, autoritatem, opes est  
conciliatura, per quam uos uicissim  
amicis, patriæ, atque adeo mor-  
talium generi non medio-  
crem utilitatem estis  
allaturi.

D I X I,



EXCVDEBATVR NOREM.

BERGAE APVD IOAN.

NEM PETREIVM.

MENSE FEBRVARIO.

ANNO M. D. XXV.



OREM

AN

H.

IC



